



唐詩別裁

天卷三

韋應物

劉禹錫


白居易

韓愈

五言古詩

錢起

土岐文庫
文庫17
W93
3



文庫 17
W93
3



唐詩別裁集引典備詩卷二

長洲沈德潛歸愚選

後學俞汝昌增注

張

字正言河南人天寶二年
進上大厯中至禮部侍郎

讀後漢逸人傳

子陵沒已久。讀史思其賢。誰謂潁陽人。千秋如此
肩嘗聞漢皇帝。曾是曠周旋。名位苟無心。對君猶
可眠。東過富春渚。樂此佳山川。夜卧松下月。朝看
江上煙。釣時如有待。釣罷應忘筌。生事在林壑。悠
悠經暮年。於今七里瀨。遺迹尚依然。高臺竟寂寞。
流水空潺湲。心存名位便為勢所壓必不能視天
子猶故人也巢由隨光只是不為名

卷之三

010185190728

昭和六十年二月一日
寄贈
吉原氏

傅位

子陵見卷二李詩許山耕穎陽莊十筮者所以得魚也得魚而忘筮北史馬偉不問生事

一統志七里灘在嚴州桐廬縣西一名嚴陵灘諺云有風七里無風七十里

王季友鄆城人家貧賣屨季勳引為賓客杜少陵詩鄆城客子王季友即其人

山中贈十四秘書兄

通典後漢桓帝延熹二年始置秘書監一人掌典圖書古今文字考合同異

出山秋雲曙山木已再春食我山中藥不憶山中人山中誰余容白髮日相親雀鼠晝夜無知我厨
壞貧有情盡捐棄土石為同身依依舍北松不厭
吾南鄰天子質十尋天澤枝葉新余以不材壽非

知白免斧斤

元道州云忘情曲中言木
二公詩每有契人口處
莊子不材之木無所
可用故能若是之壽

還山留別長安知己

出山不見家還山見家在山門是門前此去長
采青谿誰招隱白髮自相待惟餘澗底松依依色
不改

郭璞遊仙詩青谿子
餘何字有一道士

李疑

開元中進士官
左武衛錄事

少年行

樂府遺聲遊俠三十一曲有少年行

侍獵長楊下承恩更射飛塵生馬影滅箭落雁行稀薄霧隨天仗聯翩入瓊閣

三輔黃圖長楊秦舊宮漢修飾之宮中有垂楊數畝因名爲秦漢游獵所可馬相如傳從上至長楊獵北史賀拔勝走馬射飛鳥十中其五六唐六典凡左右衛分爲五仗

林園秋夜作

林臥避殘暑白雲長在天賞心既如此對酒非徒然月色徧秋露竹聲兼夜泉涼風懷袖裏茲意與誰傳

結言次山漢州人天寶十二年進士肅宗時爲水部郎佐荆南節度使又參

山南東道代宗立丐侍親樊上授道州刺史進容管經略使所至立教愛民著有元子十篇次山詩自寫胸次不欲規撫古人而奇響逸趣在唐人中另闢門戶前人警語古鏡磨不諧里耳信然

春陵行序

癸巳歲漫叟授道州刺史道州舊四萬餘戶經賊以來不滿四千大半不勝賦稅到官未五十日承諸使徵求符牒二百餘封皆曰失其限者遂至貶削於戲若悉應其命則州縣被亂刺史徵焉逃罪者不應命又即獲罪矣必不免也吾將守官靜以安人待罪而已此

州是春陵故地故作春陵行以達下情

軍國多所需彌小切責在有司。有司臨郡縣。刑法競欲施。供給豈不憂。微斂又可悲。州小經亂亡。遣人實困疲。大鄉無十家。大族命單贏。朝餐是草根。暮食乃木皮。出言氣欲絕。意速行走遲。追呼向不忍。况乃鞭撲之。郵亭傳急符。來往跡相追。更無寬大恩。但有迫促期。欲令鬻兒女。言發恐亂隨。悉使索其家。而又無生資。聽彼道路言。怨傷誰復知。去冬山賊來。殺奪幾無遺。所願見王官。撫養以惠慈。奈何重驅逐。不使存活為安人。天子命符節。我所持。州

縣忽亂亡。得罪復是誰。逋緩違詔令。蒙責固其宜。

前賢重守分。惡以禍福移。亦云貴守官。不愛能適

時。顧惟孱弱者。正直當不虧。何人采國風。吾欲獻

此辭。杜老所謂為萬物吐氣。天下少安可待。

通典。十里一亭。五里一郵。又刺史持節。處武德元年。刺史加號持節。而實無節。但領郵魚符。

賊退示官吏有序

癸卯歲西原賊入道。州焚燒殺掠幾盡而去。

明年賊又攻永破郡。不犯此州邊鄙而退。豈

力能制敵與蓋蒙其傷憐而已。諸使何為忍

苦徵斂。故作詩一篇以示官吏。

昔年逢太平。山林二十年。泉源在庭戶。洞壑當門前。并稅有常期。日晏猶得眠。忽然遭世變。數歲親戎旃。今來典斯郡。山夸又紛然。城小賊不屠。人貧傷可憐。是以陷鄰境。此州獨見全。精目切責不嫌使臣將王命。豈不如賊焉。今被徵斂者。追之如火煎。誰能絕人命。以作時世賢。思欲委符節。引竿自刺船。將家就魚

麥歸老江湖邊

齊謝朓傳契濶戎旃從容讌語 莊子孔子絃歌鼓琴有漁父者下船而來持願以聽曲

招孟武昌 有序

漫叟作退谷銘并曰于進之客不能遊之作

杯湖銘指曰為人厭者勿泛杯湖孟士源嘗黜官無情于進在武昌不為人厭可遊退谷可泛杯湖故作詩招之

風霜枯萬物。退谷如春時。窮冬涸江海。杯湖澄清漪。湖盡到谷口。單船近堦除。湖中更何好。坐見大江。水欹石為水涯。半山在湖裏。谷口更何好。絕壑流寒泉。松桂蔭茆舍。白雲生坐邊。武昌不干進。武昌人不厭。退谷正可遊。杯湖任來泛。湖上有水鳥。見人不飛鳴。谷口有山獸。往往隨人行。莫將車馬

來令我鳥獸驚

與灤溪鄰里

九江志灤溪在端昌縣南唐元結嘗居此自號灤溪浪士

昔年苦逆亂舉族來南奔日行幾十里愛君此山村峯谷呀回映誰家無泉源修竹多夾路扁舟皆到門灤溪中曲瀆其陽有閑園鄰里昔贈我許之及子孫我嘗有匱乏鄰里能相分我嘗有不安鄰里能相存斯人轉貧弱力役非無寬終以灤濱訟無令天下論桃花源乃設言灤溪真太古也而為之貧弱能母為之訟免乎

喻灤谿鄉舊遊

往年在灤濱灤人皆忘情今來遊灤鄉灤人見我驚我心與灤人豈有辱與榮灤人異其心應為我冠纓昔賢惡如此所以辭公卿貧窮老鄉里自休還力耕况曾經逆亂日夜聞戰爭尤愛一谿水而能存讓名終當來其濱飲啄全此生何等胸次惜不合熱官一讀之

大回中

樊水欲東流大江又北來樊山當其南此山為大回回中魚好遊回中多釣舟漫欲作漁人終焉無所求

輿圖備攷樊川在西安府城南
又樊山在武昌下卽樊口

賤士吟

南風發天和。和氣天下流。能使萬物榮。不能變羈
愁。爲愁亦何爾。自請說此由。詭競實多路。苟邪皆
共求。嘗聞古君子。指以爲深羞。正方終莫可。江海
有滄洲。

農臣怨

農臣何所怨。乃欲干人主。不識天地心。徒然怨風
雨。將論草木患。欲說昆蟲苦。巡迴宮闕傍。其意無
由吐。一朝哭都市。淚盡歸田畝。謠頌若採之。此言

當可取

貧婦詞

誰知苦貧夫。家有愁怨妻。請君聽其詞。能不爲酸
悽。所憐抱中兒。不如山下麈。空念庭前地。化爲人
吏蹊。出門望山澤。回頭心復迷。何時見府主。長跪
向之啼。只恐府主不
應啼亦何益

晉孫楚傳參
軍不敬府主

壽翁興

借問多壽翁。何方自修育。惟云順所然。忘情學草
木。始知世上術。勞苦化金玉。不見充所求。空聞恣

卷之三

孰欲清和存王母。潛獲無亂黷。誰正好長生。此言

堪佩服。順天地之自然。自能多壽。忘情五字。洵為

意無窮。與不見充所。求二語。可以互証。隱候公詩。寧為心好道。直由

雲箋七籤去拾。萬端百靈潛演。

◎沈千運吳興人。元次山序其詩。謂獨挺於沈。強攘於己。溺之後。推服者深。

感懷弟妹

今日春氣暖。東風杏花坼。筋力久不如。却羨礪申

石。神仙杳難準。中壽稀滿百。近世多天傷。喜見鬢

髮白。杖藜竹樹間。宛宛行舊跡。豈知林園主。却是

林園客。兄弟可存半。空為亡者惜。冥冥無再期。哀

哀望松栢。骨肉能幾人。年大自疎隔。性情誰免此。

與我不相易。唯念得爾輩。時看慰朝夕。平生茲已

矣。此念盡非適。

山中作

棲隱非別事。所願離風塵。不辭城邑遊。禮樂拘東

人。邇來歸山林。庶事皆吾身。何者為形骸。誰是知

與仁。寂寞了閭事。而後知天真。咳吐矜崇華。迂俯

相屈伸。何加巢與由。天子不得臣。

贈史修文

故人阻千里。會面非別期。握手於此地。當歡返成

悲念離苑如昨。俄已經數期。疇昔皆少年。別來鬢
如絲。不道舊姓名。相逢知是誰。曩遊盡鶯鷺。與君
仍布衣。豈曰無其才。命理應有時。別路漸欲少。不
覺生涕洟。僕在處最
近次山

西京賦。鳳鶩翥於此
標。易齋谷。憐洟。

孟雲卿 平昌人。第進士。爲校書郎。少陵
詩。孟子論文。更不疑。即指雲卿。

古樂府輓歌

晉樂志。挽歌。出于漢武帝役人之
勞。歌聲哀切。遂以爲送終之禮。

草草間巷喧。塗車儼成位。冥冥何所須。盡我生人
意。北邙路非遙。此別終天地。臨穴頻撫棺。至哀反

無淚。爾形未衰老。爾息猶童稚。骨肉安可離。皇天
若容易。房帷卽靈帳。庭宇爲哀次。薤露歌若斯。人
生盡如寄。

檀弓。塗車芻靈。自古有之。廣輿記。北邙山在
河南府城北。東漢諸陵及唐宋名臣墓在唐宋
古今注。薤露蒿里。並出田橫門人。至李延年分
爲兩曲。薤露送王公貴人。蒿里送士大夫庶人。
使挽柩者歌之。
世亦呼爲挽歌。

傷情

質直寫
感人自深
爲長心。易。憂。早孤。意常傷。出門先躊躇。入戶亦徬
徨。此生一何苦。前事安可忘。兄弟先我沒。孤幼盈
我旁。舊居近東南。河水新爲梁。松栢今在茲。安忍

思故鄉。四時與日月。萬物各有常。秋風已一起。草木無不霜。行行當自勉。不忍再思量。

趙微明見篋中集名與里名未詳沈千運以下諸詩生趣獨造與元次山相近

故次山牧入篋中集

輓歌詞

寒日蒿上明。淒淒郭東路。素車誰家子。丹旄引將去。原下荆棘叢。叢邊有新墓。人間痛傷別。此是長別處。曠野多蕭條。青松白楊樹。

後漢書范式字巨卿張劭字元伯相與為友元伯卒式夢元伯告曰吾死以某日葬已發棺不前見巨卿素車白馬號哭而來棺乃前擲弓細鍊設旆白虎通天子墳高三仞樹以松諸

候半之樹以柏大夫八尺樹以藥工馬尺樹以槐庶人無墳樹以楊柳

思歸

為別未幾日。一日加三秋。猶疑望可見。日日上高樓。惟見分手處。白蘋滿芳洲。寸心寧死別。不忍生離憂。

回軍跋者

禮注跋者一足廢

既老又不全。始得離邊城。一枝假枯木。步步向南行。去時日一百。來時月一程。常恐道路旁。掩棄狐兔瑩。所願死鄉里。到日不願生。聞此哀怨詞。念念

不忍聽惜無異人術倏忽具爾形

荀子倚其所私以觀異術惟恐聞其美也

吳

字真節舉進士不第為道士明皇徵至京待詔翰林後堅求還山卒於越

遊廬山五老峯

唐地理志江州潯陽縣有廬山廬山記匡阜之東南曰五老峯

彭蠡隱深翠滄波照芙蓉日初金光滿景落黛色濃雲外聽猿鳥煙中見杉松自然符幽情瀟灑愜所從整策務探討嬉遊任從容玉膏正滴瀝瑤草多芊茸羽人棲層崖道合乃一逢揮手欲輕舉為

爾扣瓊鐘空香清人心正氣信有宗永用謝物累

吾將乘鸞龍

一統志彭蠡湖在南康府東南一名鄱陽芙蓉峯在饒州府樂平狀如芙蓉山太川孔穴相向和氣所出則生石脂玉膏食之不死海經姑瑤之山帝女死焉名曰女屍化為瑤草其花黃其實如吐絲服者媚於人蒼頡為草草貌楚詞仍初人于吳王兮雷不死之舊鄉又嘯歌徹玄都鳴玉叩瓊鐘虛之雅致又嘯歌徹玄都鳴玉叩瓊鐘

劉長卿

字文房河間人開元末進士正德中官鄂岳觀察使吳仲孺奏貶後終隨州刺史中唐詩漸秀漸平近體句意日新而古體頓減渾厚之氣矣權德輿推文房為

五言長城亦謂其近體也

從軍行二首

黃沙一萬里。白首無人憐。報國劔已折。歸鄉身幸全。單于古臺下。邊色寒蒼然。

草枯秋塞上。望見漁陽郭。胡馬嘶一聲。漢兵淚雙落。誰為吮瘡者。此事今人薄。

漢地理志漁陽郡屬幽州。韓非子吳起為魏將軍人有病疽者起跪而吮其膿傷者之母泣曰吳起吮其父之瘡而父死今是子又將死也。

龍門雜詠二首

水東渡

秋山日搖落。秋水急波瀾。獨有魚龍氣。長令煙雨

寒。誰窮造化力。空向兩崖看。

水經注沂水出沂縣西山世謂之小龍山其水東北流歷澗注以成澗潭漲不測也五色魚俗以為龍莫敢採捕因謂魚龍水亦通謂之魚龍山。

石樓

輿圖備改盤屋縣有石樓山即老子煉丹處

隱隱見危閣。隔河映青林。水田秋鴈下。山寺夜鐘深。寂寞羣動息。風泉清道心。

送邱為赴上都

帝鄉何處是。岐路空垂泣。楚思暮愁多。川程帶潮入。潮歸人不歸。獨向空塘立。

工於用短

緝

浮石瀨

湖廣通志浮石湖在武昌縣南百二十里湖內有石周二十步水漲不沒

秋月照瀟湘月明聞蕩漿石橫晚瀨急水落寒沙廣眾嶺猿嘯重空江人語響清暉朝復暮如待扁

舟賞

水經注承入瀟湘之浦

初至洞庭懷瀟陵別業

長安邈千里日夕懷雙闕已是洞庭人猶看瀟陵月誰堪去鄉意親戚想天末昨夜夢中歸煙波覺來澗江臯見芳草孤客心欲絕豈訝青春來但傷

經時別以天不可望鳥與浮雲沒

此句言已歸時有懷故鄉也

關中記東有蒼龍關北有玄武關洞庭湖在岳州瀟陵在長安

宿懷仁縣南湖寄東海荀處士

廣輿記懷仁秦雲中屬大同府

向夕斂微雨晴開湖上天離人正惆悵新月愁嬾娟佇立白沙曲相思滄海邊浮雲自來去此意誰能傳一水不相見干峯隨客船寒塘起孤雁夜色分藍田時復一迴首憶君如眼前

杪秋洞庭中懷亡道士謝太虛

漂泊且復日洞庭今更秋青楓亦何意此夜催人

秋凋悵客中月徘徊江上樓心知楚雲遠目送滄
波流羽衣久已沒微言無處求空餘白雲在容與
隨孤舟千里杳難望一身常獨遊故園復何許江
河徒遲留

漢郊祀志五利將軍衣羽衣立
白茅上離騷聊道遙兮容與

錢起字仲文吳興人天寶十年賜進士第

韓翃李端輩十人號十才子形於圖畫又與
郎止元齊名人為之語曰前有沈宋後有錢
郎仲文五言古彷彿古丞而詩秀麗甚
然右丞所以高出者能冲和能渾厚也

酬王維春夜竹亭贈別

山人隨客來主人興不淺今宵竹林下誰覺花源

遠惆悵曙鷺啼孤雲還絕巘

早渡伊川見舊作

鷓鴣鳴曙霜秋水寒旅涉漁人昔鄰舍相見具舟

楫出浦興未盡向山心更愜村落通白雲蒹葭隱

紅葉東臯滿時稼歸客欣復業

楚詞鷓鴣鳴而悲鳴
注鷓鴣似鴉黃白色

東臯早春寄郎四校書

祿微賴學稼歲起歸衡茆窮達戀明主耕桑亦近

郊夜來霽山雪陽氣動林梢萌蕙暖初吐春鳩鳴

欲巢蓬萊時入夢知子憶貧交耕桑近於窮矣而
亦近郊見中心不

忘君也語厚而不腐
陶詩養真衡茅下

藍田溪與漁者宿

三秦記藍田有溪方三十里其水北流

獨遊屢忘歸况此隱淪處
濯髮清冷泉月明不能
去更憐垂綸叟靜若沙上鷺
一論白雲心千里滄洲
趣蘆中野火盡浦口秋山
曙歎息分枝禽何時更
相遇

謝眺出新林浦詩既歡
海祿情復協滄洲趣

杪秋南山西峯題準上人蘭若

向山看霽色步步豁幽性
反照亂流明寒空千嶂

故

遇

淨石門有餘好霞殘月欲
映上詣遠公廬孤峯懸
一徑雲裏隔攄火松間下
山磬客到兩忘言猿心
與禪定

遊輞川至南山寄谷口王十六

尋山之趣此十一
山色不厭遠我行隨趣深
蹟幽青蘿逕思絕孤雲
岑獨鶴引通浦鳴猿呼入
林寒裳百泉裏一步一
清心王子在何處隔雲雞
犬音折麻定延佇乘月
期招尋

劉灣未詳

出塞曲

將軍在重圍音信絕不通羽書如流星飛入甘泉
宮倚是并州兒少年心膽雄一朝隨召募百戰爭
王公去年桑乾北今年桑乾東死是征人死功是
將軍功漢馬牧秋月疲卒臥雷風仍聞左賢王更
欲圍雲中

◎幸應物

京兆長安人少以三衛郎事明皇後
內擢左司郎中復出為蘇州刺史改江州
存按其年百餘歲矣為郎時似近豪俠至後
鮮食寡欲焚香掃地而坐詩品高潔朱子謂
其無一字沿作氣象近道直可傳入也而熟
舊唐書俱不為之立傳何耶左司詩絕去
形容獨標真素獨者當于色香臭味外求之
有陶公性情故每一落筆自饒淵永之趣
後人如何擬得 韋五言詩家正聲故所收

富 獨

擬古七首

辭君遠行邁飲此長恨端已謂道里遠如何中險
艱流水赴大壑孤雲還暮山無情尚有歸行子何
獨難驅車背鄉國朔風卷行迹嚴冬霜斷肌日入
不遑息憂歡客髮變寒暑人事易中心君詎知冰
玉徒貞白

江淹賦莫不飲恨而吞聲 山海經東海之外
大壑 蘇武詩巖霜切我肌 鮑照與妹書悲風
斷肌 高士傳挈屨水清玉潔
又傳贊仲叔高接卓然貞白

綺樓何氛氳朝日正杲杲西壁含清風丹霞射其

陌

有

牖玉顏上哀嚙絕耳非世有但感離恨情不知誰
家婦孤雲忽無色邊馬為迴首曲絕碧天高餘聲
散秋草徘徊帷中意獨夜不堪守思逐朔風翔一

去千里道

連上首疑是逐
臣戀主之詞

詩果果出日
玉顏倅瘦狹

陸機詩京洛多佳麗
鮑照徘徊帷戶中

嘉樹藹初綠藤蕪吐幽芳君子不在賞寄之雲路
長路長信難越惜此芳時歇孤鳥去不還緘情向

天末

此懷友
之詞

左有嘉樹焉
蕪芎藭

楚詞秋蘭兮蘼蕪沈約詩緘情忍思落容儀

月滿秋夜長驚鳥號北林天河橫未落斗極當西

南寒蛩悲洞房好鳥無遺音商飈一夕至獨宿懷
重衾舊交目千里隔我浮與沉人生豈草木寒暑

移此心

侵留同韻本燕
燕及株林之詩

阮籍詩
鳥鳴北林

春至林木變洞房夕含清單居誰能裁好鳥對我
鳴良人久燕趙新愛移平生別時雙鴛綺留此于
恨情碧草生舊迹綠琴歇芳聲思將魂夢歡反側
寐不成攬衣迷所次起望空前庭孤影中自慚不
覺雙涕零疑其得新忘故欲夢魂以相就而夢既
不成則又披衣顧影不覺泪之沾衣也

應亦寄
託之詞
卷之三

古詩燕趙多佳人
白帖古人圖鴛鴦於繡衣上以其貞且義也
張載詩佳人遺我絳綺琴
有客天一方寄我孤桐琴
迢迢萬里隔託此傳幽

音水霜中自結
龍鳳相與吟
絃以明直道
漆以固交深

謝惠連琴贊嶧陽孤桐裁為鳴琴體兼九絲聲備五音鮑令暉詩客從遠方來贈我漆鳴琴

白日淇上沒空閨生遠愁寸心不可限淇水長悠

悠芳樹正妍鬱春禽自相求徘徊東西顧孤妾誰

與儔年華逐絲淚一落俱不收
與前意寄託相同諸咏胎源於古

詩十九首須領取意言之外然非苦吟所及所謂大味必涉大音必希青耶

西峯呂廌鮑照詩絲淚毀金骨

與友生野飲效陶體

攜酒花杯下前有于載境於時不其酌奈此泉下
人始自玩芳物行當念徂春聊舒遠世蹤坐望還
山雲且遂一歡笑焉知賤與貧

南塘泛舟會元六昆季

端居倦時煥輕舟泛廻塘微風飄襟散橫吹繞林
長雲澹水容夕雨微荷氣涼一寫情勤意寧用訴
華觴

郡齊雨中與諸文士燕集

兵衛森畫戟燕寢凝清香海上風雨至道遙池閣

涼煩疴近消散。嘉賓復滿堂。自慙居處學。未覩斯
民康。理會是非遣。性達形迹忘。鮮肥屬時禁。蔬果
孳見嘗。俯飲一杯酒。仰聆金玉章。神歡體自輕。意
欲凌風翔。吳中盛文史。羣彥今汪洋。方知大藩地。
豈曰財賦彊。

唐盧坦傳舊制官階勳俱三品始聽立戟東京
夢華錄高旗大扇書戟長牙 傳休奕矯清賦
序含玉吐金爛然成章 史記項梁嘗殺人與
籍避仇吳中 劉孝威詩風神灑落容止汪洋
南史明僧紹傳明察酒
離出撫大藩而恒事履空

初發揚子寄元校書

樓悵去親愛。泛泛入煙霧。歸棹洛陽人。殘鐘廣陵

賦

樹今朝此為別。何處還相遇。世事波上舟。沿洄安
得住。寫離情不可過於悽惋含蓄不
盡愈見情深此種可以為法

漢地理志廣陵國屬荊州景
帝更名江都武帝更名廣陵

淮上即事寄廣陵親故

前舟已泐泐。欲渡誰相待。秋山起暮鐘。楚雨連滄
海。風波離思滿。宿昔容鬢改。獨鳥下東南。廣陵何
處在。即景語自佳搜
索之恐不易得

聽嘉陵江水聲寄深上人

通典岷冢山西漢水所
出經嘉陵曰嘉陵江

鑿崖泄奔湍。稱古神禹跡。夜喧山門店。獨宿不安

陌

席水性自云靜石中本無聲如何兩相激雷轉空
山驚貽之道門舊了此物我情領悟微妙兩靜
化機忽然寫出

同德寺雨後寄元侍御李博士

川上風雨來須臾滿城闕
召堯青蓮界蕭條孤興
發前山遠已淨陰靄夜來歇
喬木生夏涼瀟雲吐
華月嚴城自有限一水非難越
相望曙河遠高齋
坐超忽

翻譯名義集優鉢羅此云青蓮花沈約文寒
草未衰嚴城於焉早閉
謝朓詩秋河曙耿耿
李卓于早超忽

寺中獨夜寄崔主簿

幽人寂不寐木葉紛紛落
寒雨暗深更流螢度高
閣坐使青燈曉還傷夏衣薄
寧知歲方晏離居更
蕭索

園林晏起寄昭應韓明府盧主簿

田家已耕作井屋起晨煙
園林鳴好鳥閑居猶獨
眠真朴處最近陶公不覺朝已晏
起來望青天四體一舒散
情性亦
析然還復茹簷下對酒思
數賢東帶理官府簡牘
盈目前當念中林賞覽物
遍山川上非遇明世庶
以道自全

藥

月

謝朓郊遊詩春心澹
容與挾戈步中林

新秋夜寄諸弟

兩地俱秋夕相望其星河
高梧一葉下空齋歸思
多方用憂人瘼况自抱微痾
無將別來近顏鬢已
蹉跎

寄楊協律

吏散門閣掩鳥鳴山郡中
遠念長江別俯覺座隅
空舟泊南池雨篔簹卷北樓
風併罷芳樽燕爲愴昨
時同

寄恒璨

心絕去來緣跡順人間
事獨尋秋草徑夜宿寒山

寺今日郡齋閒思問楞伽字

一統志寒山寺在姑蘇府城西
十里通考楞伽經十四卷

寄全椒山中道士

一統志滁州全椒縣神
山有洞極深景物幽邃

今朝郡齋冷忽念山中客
澗底東荆薪歸來煮白

石欲持一瓢酒遠慰風雨夕
落葉滿空山何處尋

行跡化工筆與淵明采菊東籬下悠
然見南山妙處不關語言意思

左思詩鬱鬱澗底松陶詩荆薪代明
燭神仙傳白石先生嘗煮石爲糧

示全真元常

余辭郡符去。爾爲外事牽。寧知風雪夜。復此對牀眠。始話南池飲。更詠西樓篇。無將一會易。歲月坐推遷。

贈上方僧

見月出東山。上方高處禪。空林無宿火。獨夜汲寒泉。不下藍溪寺。今年三十年。

與圖備攷楞伽山一名上方

送李十四山東遊 即李太白

聖朝有遺逸。披膽謁至尊。豈是賢榮寵。誓將救元元。權豪非所便。書奏寢禁門。高歌長安酒。忠憤不

可吞。嶽來客河洛。日與靜者論。濟世翻小事。丹砂

駐精魂。東遊無復繫。梁楚多大藩。高論動侯伯。疎

懷脫塵喧。送君都門野。飲我林中尊。立馬望東道。

白雲滿梁園。踟躕欲何贈。空是平生言。

俊爽又是格左

司在開元時已爲侍衛至德宗時猶存而集中有送大白詩無與少陵贈答豈兩人本不相識耶

送令狐岫宰恩陽

大雪天地閉。羣山夜來晴。居家猶苦寒。子有千里行。行行安得辭。荷此蒲瑩榮。賢豪爭追攀。飲餞出西京。樽酒豈不歡。暮春自有程。離人起視日。僕御

促前征透遲歲已窮當造巴子城和氣被草木江水日夜清從來知善政離別慰友生

周禮男執蒲璧與圖備及巴子城台州忠州皆有之漢縣也

富暢校書當

偶然棄官去投跡在田中日出照茅屋園林養愚蒙雖云無一資樽酌會不空且欣百穀成仰歡造化功出入與民伍作事靡不同時代南澗竹夜還澧水東貧蹇自成退豈為高人蹤覽君金玉篇彩色發我容日日欲為報方春已徂冬

寄裴處夫

春風駐遊騎晚景澹山暉一問清令子獨掩荒園扉草木雨餘長里閭人到稀方從廣陵夏花落未

言歸

有所思

借問堤上柳青青為誰春空遊昨日地不見昨日人繚繞萬家井往來車馬塵莫道無相識要非心所親

暮相思

朝出自不還暮歸花盡發豈無終日會惜此花間月空館忽相思微鐘坐來歇

卷之二

池上懷王卿

幽居捐世事。佳雨散園芳。入門霽已綠。水禽鳴春
塘。重雲始成夕。忽霽尚殘陽。輕舟因風泛。郡閣望
蒼蒼。私燕阻外好。臨歡一停觴。茲遊無盡時。旭日
願相將。

夕次盱眙縣

落帆逗淮鏡。停舫臨孤驛。浩浩風超波。冥冥日沉
夕。人歸山郭暗。雁下蘆洲白。獨夜憶秦關。聽鐘未
眠客。

出還

真

昔亡喜還家。今還獨傷意。入室掩無光。銜哀寫墟
位。悽悽動幽幔。寂寂驚寒吹。幼女復何知。時來庭
下戲。咨嗟日復老。錯莫身如寄。家人勸我餐。對案
空垂淚。比安仁悼亡較真

對芳樹亦悼亡作

迢迢芳園樹。列映清池曲。對此傷人心。還如故時
綠。風條灑餘露。露葉承新旭。佳人不可攀。下有往
來躡。

月夜亦悼亡作

皓月流春城。華露積芳草。坐念綺窗空。翻傷清景
來躡。

皓

沃

卷之三

三

好清景終若斯傷多人自老

龍門遊眺

鑿山尊伊流中斷若天闕都門遙相望佳氣生朝
夕素懷出塵意適有攜手客精舍遶層阿千龕鄰
峭壁綠雲路猶緇憩澗鐘已寂花樹發煙華滌流
散石脉長嘯招遠風臨潭漱金碧日落望都城人
間何役役

唐地理志河南府龍門山東抵天津有伊水石
泉廣韻滌水聲洞真記石脉出肺東國細
如絲可絕萬斤生石裏破石而後得此脉蔡絛
如麻紵也劉孝綽侍宴詩宮屬引鴻鸞朝行
命金碧

觀田家

微雨衆卉新一雷驚蟄始田家幾日閒耕種從此
起丁壯俱在野塲圃亦就理歸來景常晏飲犢西
澗水饑劬不自苦膏澤且為喜倉廩無宿儲徭役
猶未已方慙不耕者祿食出閭里

天籟也

汲冢周書驚蟄之日桃始華

春遊南亭

川明氣已變農寒雲尚擁南亭草心綠春塘泉脉
動景煦聽禽響雨餘看柳重逍遙池館華益媿專

卷之三

宋

紙

陌

城寵知作詩在句中鍊字而不知鍊在韵脚篇中以類推

游溪

野水煙鶴吸。楚天雲雨空。翫舟清景晚。垂釣綠蒲中。落花飄旅衣。歸流澹清風。緣源不可極。遠樹但

青蔥

遊開元精舍

輿圖備攷開元寺在蘇州府西南又西安府內開元寺唐建

夏衣始輕體。游步愛僧居。果園新雨後。香臺照日初。綠陰生畫靜。孤花表春餘。簪竹方為累。形跡一

來疎

綠陰一語寫初夏景人神表字尤見作意

西都賦竹林果園

東郊

吏舍踞終年。出郊曠清曠。楊柳散和風。清山澹吾慮。依叢適自憩。綠澗還復去。微雨霽芳原。春鳩鳴何處。樂幽心屢止。遵事跡猶遽。終罷結斯廬。慕陶真可庶。

陶詩結廬在人境

神靜師院

青苔幽巷徧。新林露氣微。經聲在深竹。高齋獨掩

卷之三

美

御

扉。想。樹。愛。嵐。嶺。聽。禽。悅。朝。暉。方。耽。靜。中。趣。自。與。塵。事。遠。

藍嶺精舍

石壁精舍高排雲。聊直上。佳游愜始願。忘險得前賞。崖傾景方晦。谷轉川如掌。綠林含蕭條。飛閣起弘敞。道人上方至。深夜還獨往。日落羣山陰。天秋百泉響。所嗟累已成。安得長偃仰。人謂左司學陶而風格時近小

郭璞遊仙詩神仙排雲出。郭景純詩崖傾嶮難。傍江賦。盤渦谷轉。凌嵩山。類。維摩經。汝往。上方界分度。四。恒河沙佛。

澄秀上座院

繚繞西南聞鳥聲。轉幽靜。秀公今不在。獨禮高僧影。林下器未收。何人適煮茗。古河

淨住子。身禮。佛禮法。聽僧。

幽居

貴賤雖異等。出門皆有營。獨無外物牽。遂此幽居情。微雨夜來過。不知春草生。青山忽已曙。鳥雀遶舍鳴。時與道人偶。或隨樵者行。自當安蹇劣。誰謂

薄世榮。每過關。關門持誦。首二句為之。亞然。

漢書注。道人有道術之人也。說文。蹇。跛也。劣。弱也。先賢行狀。徐幹。輕官。忽祿。不耽世榮。

三

養

秋夜

暗窗涼夜動。秋天寢度單。憂人半夜起。明月在林
端。一與清景遇。每憶平生歡。如何方慟愴。披衣露
更寒。

種藥

好讀神農書。多識藥草名。持鎌購山客。移蒔羅眾
英。不改幽澗色。宛如地生汲。井既蒙澤。插援亦
扶傾。陰頹夕房斂。陽條夏花明。悅翫從茲始。日夕
繞庭行。州民自寡訟。養閒非政成。不耳陸園高。

路史神農著
本草五方書

采玉行

官府徵白丁。言採蘭谿玉。絕巖夜無家。深榛雨中

審。獨婦餉糲還。哀哀舍南哭。苦語卻以

漢鄒陽傳今吳楚之王練諸侯之兵鼓白徒之
眾注白徒言素非軍旅之人若今言白丁南史
沈攸之傳攸之至建鄴諸將
軍劉遵考求補白丁隊主

李端 超州人
大曆中進士官
杭州司馬

古別離

水國葉黃時。洞庭霜落夜。行舟問商賈。宿在楓林
下。此地送君還。茫茫似夢間。後期知幾日。前路轉
多山。巫峽通湘浦。迢迢隔雲雨。天晴見海橋。日落
采之三

天

聞津鼓人老自多愁水深難急流清宵歌一曲白

首對汀洲

顏延之登巴陵城樓詩水國周地險河山信重
復洞庭湖在岳州巫峽在夔州和浦見卷四

柳宗
元詩

燕城

廣輿記燕城即古邦
瀋城吳王濞故都

昔人登此地止龍已前悲今日又非昔春風能幾
時風吹城上樹草沒城邊路城裏月明時精靈自

來去明遠賦意能
以駁言該括

雷別柳仲庸

惆悵流水時蕭條背城路離人出古亭嘶馬入寒
樹江海正風波相逢在何處

李希仲

薊門行

一身救邊速烽火連薊門前軍飛鳥落格鬪塵沙
昏寒入鼓聲急單于將夜奔當須殉忠節身死報

國恩可希
老杜

樂府遺聲都邑三十四曲有出
自薊北門行鮑詩注薊故燕國

劉禹錫

守夢得彭城人始附王叔文擢度支
員外郎憲宗立叔文敗夢得貶連州
後召還出刺播州易連州易夔州和州人為
主客郎進集賢學士又出刺蘇州會昌時檢

枝禮部
尙書

春
客有為余話登天壇過雨之狀因以賦之
清晨登天壇。牛路逢陰晦。疾行穿雨過。卻立視雲背。
背日照其上。風雷走於內。混漾雪海翻。槎牙玉山碎。
蛟龍露鬚鬣。鬼神含變態。萬狀互生滅。百音以繁會。
俯觀羣動靜。始覺天宇大。山頂自晶明。人間已霧霏。
豁然重昏斂。渙若春冰潰。反照入松門。瀑流飛縞帶。
遙光泛物色。餘韻吟天籟。洞府撞仙鐘。村墟起夕靄。
卻見山下侶。已如迷世代。問我何處來。我來雲雨外。

楚辭五音紛八
浦五臣作雲霧
揚雄賦雲飛兮雨降
隨陽帝高洞府凝元波

插田歌

連州城下俯接村墟。偶登郡樓適有所感。遂書其事為俚歌以俟采詩者。

唐地理志連州連山郡木
熙平郡天寶元年更名

岡頭花草齊。燕子東西飛。田塍望如線。白水光參差。
農婦白紵裙。農夫綠蓑衣。齊唱田中歌。嘍譁如竹枝。
但聞怨響音。不辨俚語詞。時時一大笑。此必相嘲嗤。
水平苗漠漠。煙火生墟落。黃犬往復還。赤雞鳴且啄。
路傍誰家郎。烏帽衫袖長。自言上計吏。卷之三

年幼離帝鄉。田夫語計吏。君家儂定記。一來長安道。眼大不相覷。計吏笑致辭。長安真大處。省門高。刺戟儂。入無度數。昨來補衛士。唯用筒竹布。君看二三年。我作官人去。
前狀插田唱歌如繪其形其聲後說文。陸田畦也。張華白紵歌。羅裙飄飄。昭儀光。庶物異名。疏管子曰。農夫身穿襜褕。襜褕與嚶同。史記儒林傳。二千石講察。可者當與計借索。隱計吏也。借。俱也。謂令與計吏俱詣太常也。論衡。楊子山為郡。上計吏。漢百官表。衛尉屬官。有公車司馬。衛上旅賁。三令丞。張載詩。佳人贈我筒竹布。

白居易

字樂天。下邳人。貞元中擢進士。拔萃。遺母喪。歸還拜左贊善。入為翰林學士。遷左拾。後入為中書舍人。旬外遷為杭州刺史。又為

蘇州刺史。文宗立。百遷刑部侍郎。太和中以朝多黨禍。移病還闕。咸中。起改太子少傅。會昌初。以刑部尚書。致仕。卒。年七十五。樂天晚稱香山居士。與胡杲等九人。讌集。有年。至百三十餘者。人為繪圖。稱香山九老。樂天忠君愛國。遇事託諷。與少陵相同。特以平易。近人變少陵之沉雄。與少陵相類。而得其神也。集中可采者多。茲取其大有關係者。外問。姬解之說。不可為據。

賀雨詩

本集注元和四年閏三月。憲宗以久旱。欲降德音。公乞免江淮兩賦。以救流瘡。且多出宮人。上悉從之。制下而雨。

皇帝嗣寶曆。元和三年冬。自冬及春暮。不雨旱熾。熾上心念下民。懼歲成災。凶遂下罪已詔。殷勤告

診決矣

萬邦帝曰予一人繼天承祖宗憂勤不逞寧夙夜
心忡忡元年誅劉闢一舉靖巴邛二年戮李錡不
戰安江東顧惟眇眇德遠有巍巍功或者天降診
無乃微乎躬上思蒼天戒下思致時邑莫如率其
身慈和與儉恭乃命罷進獻乃命賑饑窮宥死降
五刑已責寬三農宮女出宣撥廐馬減飛龍庶政
靡不舉皆出自宸衷奔騰道路人僂僕田野翁懼
呼相告報感泣涕霑胸順人人心悅先天天意從
詔下纔七日和氣生冲融凝為油油雲散作習習
風晝夜三日雨淒淒復濛濛萬心春熙熙百穀青

芄芄人變愁為喜歲易儉為豐乃知王者心憂樂
與眾同皇天及后土所感無不通冠珮何鏘鏘將
相及王公蹈舞呼萬歲列賀明庭中小臣誠愚陋
職忝金鑾宮稽首再三拜一言獻天聰君以明為
聖臣以直為忠敢賀有其始亦願有其終先叙選
後修官

次寫天人感應而以箴規保
治作結忠愛之意油然而藹然
爾雅注蠱蠱旱熱魚炙也
軍司馬劉闢自稱節度使高崇文討之闢伏誅
又鎮海軍節度使李錡反詔王錡討之錡伏誅
誅晉書載記沮渠蒙遜下台日養老乞言晉
文納與人之誦所以能招禮英奇致時邑之美
附一曰飛龍易先天而天弗違唐書使西六
熙熙然如登春臺詩芄芄黍苗北史韓麒麟

麟傳年豐多積歲儉出振
漢武紀高呼萬歲者三

寄唐生 名衡

舊書本傳衡應進士久而不第能為歌
詩意多感發見人文章有所傷歎者讀
訖必哭每與人言論既別發聲一號音
辭哀切聞者莫不泣下世稱唐衢善哭

賈誼哭時事阮籍哭路岐唐生今亦哭異代同其
悲唐生者何人五十寒且饑不悲口無食不悲身
無衣所悲忠與義悲甚則哭之大尉擊賊曰段太
尉以
多擊尚書叱盜時顏尚書叱大夫死兇寇陸大夫
為亂兵
宋洪尚書叱盜時李希烈每見如此事聲發涕輒
所諫議謫蠻夷陽諫議左隨往往聞其風俗士猶或非憐君頭半白其志竟

不哀我亦不方徒鬱鬱何所為不能發聲哭轉作

樂府詩篇篇無空文句句必盡規切過康八箴痛

甚騷人詞非求官律高不務文字奇惟歌生民病

願得天子知未得天子知甘受時人唾藥良氣味

苦琴淡音聲希不懼權豪怒亦任親朋譏人竟無

奈何呼作狂男兒每逢羣動息或遇雲霧披但自

高聲歌庶幾天聽卑歌哭雖異名所感則同歸寄

君三十章與君為哭詞歌以代哭

賈誼陳不事疏可為痛哭者一可為流涕者二
可為長也息者六魏氏春秋阮籍可意獨往
不由徑人車迹所窮輒痛哭而返王處人之
歲家隋良藥苦口而利于病忠言遮耳而利

子行 老子大音 帝 吳書魯肅少有壯節
招聚少年往來商山 中 財 猶陰相部勤講武習
兵父老相謂曰 曾氏世良乃生此狂兒
新序宋子章曰 天之處高而聽卑

李都尉古劍

史記李陵
為騎都尉

古劍寒黯黯。鑄來幾千秋。白光納日月。紫氣排斗
牛。有客借一觀。愛之不敢求。湛然玉匣中。秋水澄
不流。至寶有本性。精剛無與儔。可使寸寸折。不能
繞指柔。願快直士心。將斷佞臣頭。不願報小怨。夜
半刺私讐。勸君慎所用。無作神兵羞。

秦中吟十首

貞元元和之際予在長安聞見之間有足
悲者因直歌其事命為秦中吟

議婚

天下無正聲。悅耳即為娛。人間無正色。悅目即為
姝。顏色非相遠。貧富則有殊。貧為時所棄。富為時
所趨。紅樓富家女。金縷繡羅襦。見人不欲手。嬌癡
二八初。母兄未開口。言嫁不須與。綠窗貧家女。寂
寞二十餘。荆釵不直錢。衣上無真珠。幾迴人欲聘。
臨日又躊躇。主人會良媒。置酒滿玉壺。四座且勿
聽。余歌兩途富家女易嫁。嫁早輕其夫。貧家女

難

飲嫁 嫁晚孝於姑 聞君欲娶婦 娶婦意何如

史記羅襦襟解 招魂一八齊容 列女傳孟光荆釵布裙 古詩養蠶不滿箔 那嬰羅繡襦

重賦

厚地植桑麻 所用濟生民 生民理布帛 所求活一身 身外充比賦 上以奉君親 國家定兩稅 本意在愛人 厥初防其濫 明教內外臣 稅外加一物 皆以枉法論 奈何歲月久 貪吏得因循 役我以求寵 斂索無冬春 織絹未成疋 練絲未盈斤 里胥逼我納 不許暫逡巡 歲暮天地閉 陰風生破村 夜深煙火盡 覆雪白紛紛 幼者形不蔽 老者體無溫 悲啼與

寒氣併入鼻中 辛昨日輸殘稅 因窺官庫門 緡帛

如山積 絲絮如雲屯 號為羨餘物 隨月獻至尊 奪

我身上 煖買爾眼前 恩進入瓊林庫 歲久化為塵

唐時已有進羨餘者言下慨然

唐德宗紀下二月丙辰初定兩稅 呂氏春秋

事君枉法不可謂忠臣 唐李朝隱傳 賦唯枉法

當死 枉法而物價愈下 所納愈多 絹匹為錢三

千二百其後匹為錢一 千六百輪一者過二

禮疏練抽繭出絲也 鮑照詩 練絲復鳴機 唐

食貨志 杜亞劉贊王緯 李錡皆徵射恩澤以常

賦入貢名為羨餘 陸贄傳 德宗於行在夾廡

署瓊林大盈二

庫別藏貢物

傷宅

誰家起甲第。朱門大道邊。豐屋中櫛比。高墻外廻環。絜絜六七堂。簷宇相連延。一堂費百萬。鬱鬱起青煙。洞房溫且清。寒暑不能干。高亭虛且迥。坐臥見南山。繞廊紫藤架。夾砌紅藥闌。攀枝摘櫻桃。帶花移牡丹。主人此中坐。十載爲大官。厨有臭敗肉。庫有貫朽錢。誰能將我語。問爾骨肉間。豈無貧賤者。忍不救饑寒。如何奉一身。直欲保千年。不見馬家宅。今作奉誠園。北平王子暢暢子繼祖暢爲官宅。改爲奉誠園。此德宗之寡恩。而自傳借以驚駭侈者。西京賦北闕甲第當道直啟。具肉見卷二。杜詩。漢文紀都內之錢貫而不可校。

傷友

陋巷孤寒士。出門甚棲棲。雖云志氣高。豈免顏色低。平生同袍友。通籍在金墀。曩者膠漆契。邇來雲雨睽。正逢下朝歸。軒騎五門西。是時天久陰。三日雨淒淒。蹇驢避路立。肥馬當風嘶。迴頭望相識。古道上海堤。昔年洛陽社。貧賤相提攜。今日長安道。對面隔雲泥。近日多如此。非君獨慘悽。死生不變者。惟聞任與黎。自注任公叔黎逢。是時天久陰。六語。經點染。便覺不堪。詩與子同韻。謝朓詩。既通金閨籍。注金閨金馬門也。鄒陽傳。感於心。合於行。堅如膠漆。鮑照詩。暫交金石心。須臾雲雨隔。禮注天子五門。臯雉庫應路也。謝朓詩。既乏瑯琊政。方卷之三。

袍

總洛陽社西征記洛陽建春門外有白
社苟濟詩雲泥已殊路暗涼詎同節

合致仕

七十而致仕禮法有明文何乃貪榮貴斯言如不
聞可憐八九十齒墮雙眸昏朝露貪名利夕陽憂
子孫挂冠願翠纓懸車惜朱輪金章腰不勝偃僕
八君門誰不愛富貴誰不戀君恩年高須告老名
遂合退身少時其唾笑晚歲多因循賢哉漢二疏
彼獨是何人寂寞東門路無人繼去塵朝露二語耐人尋味

豈淺易人所能

禮大夫七十而致事南史陶弘景卦冠神武
門上表辭祿說文纓冠系也三禮圖珠纓

綬白虎通懸享致仕示不用也北山移文
紐金章左韓獻子告老老子功成名遂身
退天之道也漢疏虞仲翁進太傅廣
元子受字公丘授少傅朝廷以為榮廣
吾聞知足不辱知止不殆功成身退去之道
也俱移病上疏乞骸上以其年篤老皆許之

立碑

助德既下衰文章亦陵夷但見山中石立作路旁
碑銘勛悉太公叙德皆仲尼復以多為貴干言直
萬贊為文彼何人想見下筆時但欲愚者悅不思
賢者唾豈獨賢者唾仍傳後代疑古石蒼苔字安
知是媿詞我聞望江縣趨令撫孤嫠自注趨令
名信陵在
官有仁政名不聞京師身歿欲歸葬百姓遮路岐

攀轅不得去。畱葬此江湄。至今道其名。男女皆涕垂。無人立碑碣。惟有邑人知。

西信陵吳縣人

晉孔愉傳論愉高謝百萬之賞辭榮數畝之宅一統志漢皖地隋改為望江縣又勉信陵自元中為望江合有惠政百姓為之立祠說文碑登石也後漢書方者為碑圓者為碣

輕肥

意氣驕滿路。鞍馬光照塵。借問何為者。人稱是內臣。朱紱皆大夫。紫綬悉將軍。誇赴中軍宴。走馬疾如雲。罇罍溢九醞。水陸羅八珍。果擘洞庭橘。鱠切天池鱗。食飽心自若。酬酒氣益振。是歲江南旱。徯州人食人。

昔植表上勳方冕俯愧朱紱古今注漢舊制公侯將軍紫綬西京雜記以正月旦作酒八月成名曰酎一曰九醞梁武詩唯案出入珍出海經洞庭之山其木多楠皇甫謐釋勸浴天池以濯鱗

五絃

唐禮樂志五絃如琵琶而小此因所出舊以木撥彈裴神符初以手彈

清歌且停唱。紅袂亦停舞。趙叟抱五絃。宛轉當胸撫。大聲粗若散。颯颯風和雨。小聲細欲絕。切切鬼神語。又如鵲報喜。轉作猿啼苦。十指無定音。顛倒宮商羽。坐客聞此聲。形神若無主。行客聞此聲。駐足不能舉。嗟嗟俗人耳。好今不好古。所以北窗琴。

卷之三

三

虞

日日生塵土

國史補趙璧彈五絃人問無其術璧曰吾之於五絃也始則神遇之終則天隨之方吾浩然眼如其耳如鼻不知五絃為璧璧之為五絃也天寶遺事時人家聞鵲聲皆為吉兆曰靈鵲報喜

歌舞

秦中歲云暮大雪滿皇州雪中退朝者朱紫盡公侯貴有風雪興富無饑寒憂所營惟第宅所務在追遊冰門車馬客紅燭歌舞樓歡酣促密坐醉煖脫重裘秋官為主人廷尉居上頭日中為樂飲夜半不能休豈知閩鄉獄中有凍死囚

鮑照詩繁霜飛玉闥愛身麗皇州晉夏侯湛傳被朱佩紫羅金帶白周禮秋官司寇一漢百官公卿表廷尉秦官掌刑岸景帝中六年更名大理建元四年復為廷尉古樂府夫婿居上頭唐地理志號州弘農郡閩鄉縣

買花

帝城春欲暮喧喧車馬度其道牡丹時相隨買花去貴賤無常價調直看花數灼灼百朵紅戔戔五束素上張帳幄底旁織筵籬護水灑復泥封遷來色如故家家習為俗人人迷不悟有一田舍翁偶來買花處低頭獨長歎此歎無人論一叢深花色十戶中人賦連上三章諷意俱於末二語結出樂天和荅微之詩序云每下筆詩輒

相顧共患其意太切而理太周蓋理太周則詞繁
意太切則言激與足下為文所長在此所病亦在
此玩此數言自傳已自定其詩
杜牧之譏之直是隔壁語耳
種以史補長安貴遊尚牡丹人
種以求利一本有數萬者

感鶴

鶴有不羣者飛飛在野田饑不啄腐鼠渴不飲盜
泉真姿自耿介雜鳥何翩翩同遊不同志如此十
餘年一興嗜慾念遂為增徽牽委質小池內爭長
羣雞前不惟懷稻梁兼亦競腥膻不唯戀主人兼
亦狎鳥鳶物心不可知天性有時遷一飽尚如此
况乘大夫軒有以峻潔持身而一念之誤遂喪生
牛者故作詩諷之元微之晚節亦

患此

莊子鵲德腐鼠說苑水名盜泉孔子不飲
思么賦過九臯之介鳥注介鳥者鶴也左鶴
有乘軒者注
軒大夫車

慈烏夜啼

禽經慈烏曰孝鳥長則
反哺其母大鸞鳥否

慈烏失其母啞啞吐哀音晝夜不飛去經年守故
林夜夜夜半啼聞者為沾襟聲中如少訴未盡反
哺心百鳥豈無母爾獨哀怨深應是母慈重使爾
悲不任昔有吳起者母歿喪不德嗟哉斯徒輩其
心不如禽慈烏復慈烏鳥中之曾參仁孝之人
其言藹然

卷之三

出 嗟

史記吳起入衛事會子其母死終不歸會子薄之而與起絕

和大觜鳥

鳥者種有二名同性不同觜小者慈孝觜大者貪庸觜大命又長生來十餘冬物老顏色變頭毛白茸茸飛來庭樹立初但驚兒童老巫生奸計與鳥意潛通云是非凡鳥遙見起敬恭千載乃一出喜賀主人翁祥瑞來白日神靈占知風陰作北斗使能為人吉凶此鳥所止家家產日夜豐上以致壽考下可宜田農主人富家子身老心童蒙隨巫拜復祝婦始亦相從殺雞薦其肉敬若禋六宗鳥喜

張大觜飛接在虛空鳥既飽羶腥坐亦饗甘醴鳥巫互相利不復兩西東日日營巢窟稍稍近房櫺雖生八九子誰辨其雌雄羣雛又長成衆觜逞殘克探巢吞鷲卵入簇啄蠶蟲豈無乘秋隼羈絆委高墉但食鳥殘肉無施搏擊功亦有能言鸚翅碧觜距紅暫曾說鳥罪囚閉在深籠青窗前柳鬱鬱鬱井上桐貪鳥占棲息慈鳥獨不容慈鳥爾奚爲來往何憧憧曉去先晨鼓暮歸後昏鐘辛苦塵上間飛啄禾黍叢得食將母哺餓腸不自充主人憎慈鳥命子削彈弓絃續會稽竹丸鑄荆山鏹慈鳥

求母食飛下爾庭中數粒未食口一丸已中胸仰
 天號一聲似欲訴蒼穹反哺曰未尾非是惜微躬
 誰能持此冤一為問化工胡然大鶻鳥竟得天年
 終鳥之殘惡巫之奸計主人之昏愚三者合而之
 之明分
 別種類
 本草鳥鴉大鶻而性貪禽經慈鳥反哺白腹
 不祥大鶻善鶻禽經鸞好風說文至祝也女能事無形以
 舞降神也禽經鸞好風說文至祝也女能事無形以
 向暖鳥巢喜背風搜神記南斗注生北斗注
 死所有祈求皆向北也吳錄彭澤有鳥接尾
 占吉凶書裡干六宗失說文醜厚酒也
 行者九飯投之高下無失蘇氏樹間昔我秦
 古樂府鳥生八九子唯陽強蘇合彈晉左貴
 代家有遊蓬蕩子用唯陽強蘇合彈晉左貴
 嬪侍修成盤簇漢五行志立秋而鷹隼擊秋

分而微霜降說文鸞鳴能言鳥也潘岳詩
 青槐何依依深簡文詩槐音欲覆井場柳正藏
 鴉魏明帝詩雙桐生空井枝葉自相加吳
 越春秋陳音對楚王曰勞生於弓弓生於彈彈
 生於古之孝子彈歌曰斷竹續竹飛上遂肉

凶宅

長安多大宅列在街西東往往朱門內房廊相對
 空鼻鳴松桂枝狐藏蘭菊叢蒼苔黃葉地日暮多
 旋風前主為將相得罪竄巴庸後主為公卿寢疾
 歿其中連延四五主決禍叠相重自從十年來不
 利主人翁風雨壞簷隙蛇窟穿墻捕人疑不敢買
 曰毀土木功嗒嗒俗人心甚矣其愚蒙但恐灾將

墻

至不思禍所從我今題此詩欲悟迷者胸凡為大
官人年祿多高崇權重難詩欠位高勢易窮騎者
物之盈老者數之終四者如寇盜日夜來相攻假
使居吉土孰能保其躬因小以明大借家可諭邦
周秦宅嶠函其宅非不同一興八百年一死豈
夷官寄語家與國人凶非宅凶大疾呼可破集借未議及

唐詩別裁集引典備註卷四

長洲沈德潛請愚選

後學俞汝昌增註

◎

韓愈

字退之昌黎人三歲而孤兄會嫂鄭

卷之四

疏極論宮市德宗怒貶陽山令元和中歷官
太子右庶子裴度宣慰淮西奏愈行軍司馬
淮西平遷刑部侍郎憲宗迎佛骨愈言乃
表力諫帝怒將抵以死大臣皆為愈言乃
潮州刺史尋改袁州召拜國子祭酒轉兵部
侍郎王廷湊亂召愈宣諭極論順逆利害廷
湊畏服之歸轉吏部侍郎後以李逢吉李紳
交構遺患於愈罷為兵部侍郎尚書諡曰文
侍郎卒年五十七贈禮部尚書諡曰文
大者聲色不動指顧自如太白金書曰文
黎不免有蹶張之病矣要之意規于正雅道
猶存故畧存數章以見風槩善使才者當
雷其不盡昌黎詩不原好盡要之意歸於正
規模宏潤骨格整頓原本雅領而不規規於

風人也品為大家誰曰不立昌黎四言唐
人中無與儷者平淮西碑尤為立極因碑以
文為主系之以詩恐體例
不合故祇錄元和聖德詩
元和聖德詩并序不能另立一體故附五言體
中

顧注憲宗紀帝順宗長子永貞元年八月
月詔立為皇帝乙巳即位癸丑劍南西
川行軍司馬劉闢自稱留後十一月王
申夏綏銀節度留後楊惠琳反元和元
年三月辛巳惠琳伏誅九月辛亥克成
都十月戊子闢伏誅二年正月巳正朝
獻於太清宮庚寅朝享於太
廟辛卯有事於南郊大赦

臣愈頓首再拜言臣伏見皇帝陛下即位以來誅
流姦臣朝廷清明無有歡蔽外斬楊惠琳劉闢以

收夏蜀東定青徐積年之叛海內怖駭不敢違越
如天告廟神靈歡喜風雨晦明無不從順大平之
期適當今日臣蒙被恩澤日與羣臣序立紫宸殿
下親望穆穆之光而其職業又在以經籍教導國
子誠宜率先作歌詩以稱道盛德不可以詞語淺
薄不足以自效為解輒依古作四言元和聖德詩
一篇凡一有二一四字指事實錄具載明天子文
武神聖以警動百姓耳目傳示無極其詩曰
皇帝卽阼物無違拒日暘而暘日雨而雨維是元
年有盜在夏欲覆其州以踵近武皇帝日嘻豈不
卷之四

在我負鄙為姦。縱則不可。出師征之。其成十旅軍。
其城下告以福禍。腹敗枝披。不敢保聚。擲首陣外。
降。幡夜監疆外之險。莫過。蜀土韋臯去鎮劉闢守。
後血人于牙。不肯吐口。開庫。唱士曰。隨所取。汝張。
汝弓。汝伐。汝鼓。汝為表書。求我帥。汝事始上。聞在。
列威怒。皇帝曰。然。嗟。遠士女苟附而安。則且付與。
讀命于庭。出節少府。朝發京師。夕至其部。闢喜謂。
黨汝振而伍蜀。可全有此。不當受萬牛鬻。後萬饗。
行酒以錦。纏股以紅。帕首有惟。其兇有餌。其誘其。
出穰穰隊。以萬數。遂劫東川。遂據城。阻皇帝曰。嗟。

夏州兵

勇使張承金斬惠蘇

八木事

誘陷士卒之詞

命為劍南西川節度使

其又可許。爰命崇文分卒禁禦。有安其。雖無暴我。
野日行三十。徐壁其合。闕黨聚謀。鹿頭是守。崇文。
奉詔進退。規矩職不貪。殺擒不濫。數四方。節度整。
兵頓馬上。章乞討。俟命起坐。皇帝曰。噫。無汝煩。苦。
荆并洎梁在。國門戶。出師三千。各選爾醜。四軍齊。
作。殿其如阜。或拔其角。或脫其距。長驅洋洋。無有。
翻。八月壬午。闕棄城走。載妻與妾。包裹稚乳。足。
曰崇文。八處其宇。分散逐捕。搜原剔藪。闕窮見窘。
無地自處。俯視大江。不見洲渚。遂自顛倒。若杵投。
曰取之。江中。枳。楛。械。手。婦女。纍。纍。啼。哭。拜。叩。來。獻。
卷之四

高崇文進討

不必四方之

兵准荆南節度使張均河東節度使嚴綬山南

節度使嚴礪正以誅之也

闕下以告廟社周示賊市咸使觀覩解脫攀索夾
以砧斧婉婉此弱子赤立僂僂牽頭曳足先斷腰脊
次及其徒體骸撐拄末乃取鬪駭汗如寫揮刀紛
紜爭剝膾脯優賞將吏枿珪綴組帛堆其家粟塞
其庾哀憐陣沒廩給孤寡贈官封墓周市宏薄經
戰伐地寬免租簿施合酬功急疾如火天地中間
莫不順序此恒青魏東盡海浦南至徐蔡區外雜
虜怛威赧德踧踖蹈舞掉棄兵革私習簞簞來請
來覲十百其耦皇帝曰牙伯父叔舅各安爾位訓
厥毗喃正月元月初見宗祖躬執百禮登降拜俯

薦于新宮親瞻梁栢咸見容色淚落入俎侍祠之
臣勃我剗楚乃以上辛於郊用牡除于國南鱗筍
毛篋廬幕周施開揭嘉禾獸盾騰挈圓壇帖受天
兵四羅旂常婀娜駕龍十二魚魚雅雅宵昇于野
奠璧獻穿眾樂驚作轟灑融治紫烟嘘呵高靈下
墮羣星從坐錯落侈哆日君月妃煥赫媿媿瀆鬼
濛鴻嶽祇業峩飲沃羶薌產祥降嘏鳳皇應奏舞
翼自拊赤鱗黃龍透陀結糾卿士庶人黃童白叟
踊躍歡呀失喜噎歐乾清坤夷境落塞舉帝車經
來日正當午赤丹鳳門大救天下滌濯剗磔磨滅

瑕垢績功臣。嗣拔賢任考。孩養無告仁。滂施厚皇。
以下頌揚帝臨
帝神聖通達。今古聽聰視明。一似堯禹生知法式。
動得理所天。錫皇帝為天下主。并包蓄養無異細。
鉅億載萬年。敢有違者皇帝儉勤。盥濯陶瓦斥遣。
浮華好此縹紵。救戒四方侈。則有咎天錫皇帝多。
麥與黍無召水旱。耗于雀鼠億載萬年。有富無窶。
皇帝正直別白善。不擅命而狂。既剪既去。盡逐羣。
姦靡有遺侶。天錫皇帝。雁臣碩輔。博問遐觀。以置。
左右。億載萬年。無敢于侮。皇帝大孝。慈祥悌友。怡。
怡愉愉。奉太皇后。浹于族親。濡及九有。天錫皇帝。

與天齊壽。登茲太平。無怠永久。億載萬年。為父為

母。博士臣愈。職是訓詁。作為歌詩。以配吉甫。典重

體則二雅三頌辭則古賦秦碑盛唐中昌黎獨擅
書曰兩曰陽舊書夏州節度韓全義入朝其
勿楊惠彬知雷後據城叛詔發河東天德兵誅
之承說文陳城上女墻也唐書夏州兵馬使
張承金斬惠琳傳首以獻又劍南西川節度
使章承金斬惠琳傳首以獻又劍南西川節度
病見諸問疾者來皆以手據地倒行入關口關
因像裂食之又陶主後務諷諸將微旌節以
唐百官志符寶耶凡命將遣使皆賜旌節旌以
額賞節以專殺舊書關益兗博出臣之言
而求都統三川肉正韻音或曰即或字
惟兇二句朱云有畏其暴者有貪其利者故從
之者眾耳舊書關與同幕盧文若相善欲以
為東川節度使遂舉兵圍梓州賈捐之傳吉
行五十里師行三十里釋名壁辟也辟禦風
寒也本集注徐壁一作辟舊書成都批一百

離離挂空悲感感抱虛警
露泣秋樹高蟲弔寒夜
永歛退就新儒趨營悼前
猛歸愚識夸塗汲古得

秋懷詩二首

皆一時藩鎮之國也
二月下辛小正月全于
辛如不從則不效矣
上林賦水石磊砢詩
枝煩擊而交橫說文
為圓壇八陛入神賦
十有二閑又馬入尺
樂府珠珮嫋嫋戲金
雅有三蝦魚七字未詳
漢詩序嵩高丞民韓奕江
漢皆尹吉甫美宣王也

五十里行鹿頭山關築城以守又連入柵以拒
王師是日破賊二萬于鹿頭明曰又連入柵以拒
堆崇文使驍將高霞寓攻奪其堆凡八戰皆大
捷難入楚詞九辯園繫而方柄兮吾固知其翻
而遣高霞寓等追之至羊灌田關自投岷江崇
文西蜀平王師入城都及至未西臨皇驛左右
飲食自若以爲不當死及至未西臨皇驛左右
神策兵士迎之以帛繫首及至未西臨皇驛左右
日何乃至是迎之以帛繫首及至未西臨皇驛左右
權領要不足以及斧鉞范唐書開斬子城西南獨
柳樹下子超郎等九人與部將崔綱以次誅
占樂府死骸骨相撐挂元廣韻荆細切也增
西川南兩道今歲和釋齊從將吏葬陣七者
廩其家五歲二年正月賜文武官勳爵舊注
幽謂幽州虛龍節度恒謂成德軍節度青謂淄
青平盧節度魏謂魏博節度徐謂武寧軍節度
蔡謂彰義軍節度幽則劉濟恒則王士真青則
季師道魏則田季安徐則張悝蔡則吳少誠此

修綬名浮猶有恥味薄真自幸庶幾遺悔尤卽此

是幽屏此卽今是昨非之意

陸士衡歎逝賦節循虛而警立謝靈運詩花

上露猶法莊子綆短者不可以汲深注綆汲

幽屏注謂生處也

今晨不成起端坐盡日景蟲鳴室幽幽月吐牕回

同喪懷若迷方浮念劇含梗塵埃慵伺候文字浪

馳騁尙須勉其頑王事有朝請前漢書吳王濞使人爲秋請春日朝

秋日

江海詩同秋月明列子秦人逢氏子有迷罔之疾天地四方寒暑無不倒錯者

巖巖

有同梗

歎大賢事業異遠抱非俗觀報國心皎潔念時涕

洸瀾妖姬坐左右柔指發哀彈酒肴雖日陳感激

寧爲歡秋陰欺白日泥潦不少乾河堤決東郡老

弱隨驚湍天意固有屬誰能詰其端願辱太守薦

得充諫諍官排雲叫閭闔披腹呈琅玕致君豈無

術自進誠獨難時張建封居公於符離沮上及秋

未薦時詩故有望

於太守之薦也

貨殖傳其民巖巖歐陽堅石詩揮筆詔稅

注流貌九辯皇天淫溢而秋霖兮后土何

州冷白馬縣漢屬東郡楚辭吾令帝閭闔

今倚閨闈而望子楊雄傳選死咸今呼帝關
張衡詩美人贈我青琅玕江淹神女賦守明璫
而為誓解珮玕而相要

縣齋讀書

出宰山水縣讀書松桂林蕭條捐末事避途得初
心哀狄醒俗耳清泉潔塵襟詩成有共賦酒熟無
孤斟青竹時默釣白雲日幽尋南方本多毒北客
恒懼侵謫譴甘白守滯留媿難任投書類縞帶行
禽逾兼金應是合陽山時作末

左季札聘於鄭見了產與之縞帶子產獻紵衣焉陸士衡詩愧無雜佩贈良訊代兼金

送石處士赴河陽幕處士名洪

紙

長把種樹書人云避世士忽騎將軍馬自號報恩

子鳳雲入壯懷泉石別幽耳鉅鹿師欲老常山險

猶恃豈惟彼相憂固是吾徒恥去去事方急酒行

可以起即序中所云不告于妻子不謀于朋

始皇紀所不去者醫藥卜筮種樹之書說苑准賢者為能知唐地理志邢州鉅鹿郡鎮州常山郡大都督府俱屬河北道舊書元和四年王承宗反詔中人吐突承璀以兵討之無功五年六月詔洗王承宗復其官爵

送湖南李正字歸正名字礎

阮

長沙入楚深洞庭值秋晚人隨鴻雁少江共蒹葭
遠歷歷余所經悠悠子當返孤游懷耿介旅宿夢

卷之四

八

婉婉風土稍殊音魚蝦日異飯親交俱在此誰與

同息偃

昌黎五古難得此清遠之格

張華永懷賦揚緝紉之屬姿懷婉婉之柔情

灑吏

南行逾六旬始下樂昌灑險惡不可狀船石相舂
撞往問灑頭吏湖州尚幾里行當何時至土風復
何似灑吏垂手笑官何問之愚譬官居京邑何由
知東吳東吳游宦別官知自有由湖州底處所有
罪乃嵐流儂幸無負犯何由到而知官今行自到
邈遠妄問為不虞卒見困汗出媿且駭吏曰聊戲

官儂嘗使往罷嶺南大抵同官去道苦迢下此三
千里有州始名潮惡溪瘴毒聚雷電常洶洶鱷魚
大于船牙眼怖殺儂州南數十里有海無天地颶
風有時作掀掀真差事同音聖人干天下于物無不容
比聞此州囚亦有生還儂官無嫌此州固罪人所
徙官當明時來事不待說委官不自謹慎宜即引
分往胡為此水邊神色久懍懍瓶大瓶甕小所任
自有宜官胡不自量滿溢以取斯工農雖小人事
業各有守不知官在朝有益國家不得無風其四
不武亦不文仁義飾其躬巧姦敗羣倫叩頭謝吏

言始慙今更羞。歷官二十餘。國恩並未酬。凡吏之所訶。嗟實頗有之。不即金木誅。敢不識恩私。潮州雖云遠。雖惡不可過。于身實已多。敢不持自賀。借吏

言以規諷自嘲亦自寬解也從古樂府得來韓詩中之別調
唐地理志樂昌縣屬韶州水經注瀧水又南出
峽謂之瀧口又南逕曲江縣東唐地理志潮
州湖陽郡屬嶺南道王云吳人稱我曰儂
永州記鱷魚大者凡數丈善食人一生百朋及
成形則有為蛇為龜為蛟者甚靈嶺表錄異
嶺嶠夏秋雄風曰颶發日午至夜半止南越志
颶風具四方之風也嘗以五六月興未至時雜
犬為之不鳴九歎耳聊嗽而慄恍注憂愁無
所依歸也方言靈桂之間謂之瓶周魏之問
謂之無郭注今江東通名大甕為瓶亦呼甕為
瓶子莊子為外
刑者金與木也

岳陽樓別竇司直

原注竇庠時以武昌注擢岳州

風上記岳陽樓城西門門樓也下瞰洞庭景物寬闊

洞庭九州間。厥大誰與讓。南匯羣崖水。北注河奔放。緒為七百里。吞納各殊狀。自古澄不清。還混無歸向。炎風日搜攪。幽恠多冗長。軒然大波起。宇宙隘而妨。巍峩拔高華。騰踔較健壯。聲音一何宏。轟軻車萬兩。猶疑帝軒轅。張樂就空曠。蛟螭露筍簾。縞練吹組帳。鬼神非人世。節奏頗跌踴。陽施見跨。麗陰閉感悽。愴朝過宜春口。極北缺堤障。夜纜巴陵州。叢蒿纔可傍。星河盡涵泳。俯仰迷下上。餘瀾

卷之四

十

怒不已喧聒鳴甕盎明登岳陽樓輝煥朝日亮飛
廉戢其威清晏息纖縠泓澄湛凝綠物影巧相况
江豚時出戲驚波忽蕩漾時當冬之孟際竅縮寒
漲前臨指近岸側坐渺難忘滌濯神魂醒幽懷舒
以暢主人孩童舊握手乍忻悵憐我竄逐歸相見
得無恙開筵交履舄爛漫倒家釀杯行無留停高
柱送清唱中盤進橙栗投擲傾脯醬歡窮悲心生
婉變不能忘念昔始讀書志欲干霸王屠龍破干
金爲藝亦云亢愛才不擇行觸事得讒謗前年出
官由此過取无妄公卿揆虛名擢拜識天仗姦猜

畏彈射斥逐恣欺誑新恩移府庭逼側廁諸將吁
嗟苦驚緩但懼失宜當追思南渡時魚腹甘所葬
嚴程迫風帆劈箭入高浪顛沉在須臾忠鯁誰復
諒生還真可喜尅已自懲創庶從今日後儼識得
與喪事多改前好趣有獲新尙誓耕十畝田不取
萬乘相細君知蠶織稚子已能餉行當挂其冠生
死君一訪前兩段陽開陰闔入寶司直後見忠直
被謗而以追思南渡數語挽轉前半筆
力矯然

一統志洞庭湖在湖廣岳州府巴陵縣西與荆
江合水經注湖水廣圓五百餘里日月若出沒
其中後漢范滂傳時冀州饑荒盜賊羣起乃
以滂爲清詔使案察之登車攬轡慨然有澄清
卷之四

天下之志文賦故無取於冗長 吳都賦騰
 越飛超羽獵賦皇車幽輜上林賦研磅轟盛
 司馬彪曰水聲也磔與輜音義同 莊子黃帝
 張咸池之樂於洞庭之野鮑照詩組帳揚春
 風舊注宜春即袁州巴陵郡即岳州徐陵
 書舊注無遺李斯書擊鸞叩岳爾雅盜謂之缶
 疏瓦器可節樂呂氏春秋風師曰飛廉書
 厥篚織纈海賦輕塵不飛 羅不動說文江
 豚一名鮪鮪欲風則踊 李陵傳霍與上官無
 恙平史記履易交錯 論衡鼓琴者誤于張絃
 道飲令人欲傾家釀論衡鼓琴者誤于張絃
 設柱其師知之易其絃而復移其柱莊子朱
 泮漫學屠龍於支離益彈千金之家三年技成
 而無所用其巧上林賦逼側泥濘 楚辭寧
 赴湘流葬于江魚之腹漢書歸遺細君

薦士

周詩三百篇雅麗理訓誥曾經聖人手議論安敢

到玉言出漢時蘇李首更號東都漸瀟漫派別百

川導建安能者七卓犖變風操逶迤抵晉宋氣象

日凋耗中間數鮑謝比近最清奧齊梁及陳隋眾

作等蟬噪搜春摘花卉沿襲傷剽盜國朝盛文章

子昂始高蹈勃興得李杜萬類困躄暴後來相繼

生亦各臻闢與有窮者孟郊受材實雄鷲冥觀洞

古今象外逐幽好橫空盤硬語妥帖力排冪敷柔

肆紆餘奮猛卷海潦榮華肖天秀提疾逾響鞭行

身踐規矩甘辱恥媚竈孟軻分邪正眸子看瞭眊

杳然粹而清可以鎮浮躁酸寒溧陽尉五十幾何

事發我營甘旨辛苦久所冒俗流知者誰指注競

何何慨聖皇索遺逸老毛士日登造廟堂有賢相愛遇謂鄭修房

歸與張二公迭嗟悼青冥送吹噓強

嘉節迫吹帽念將決焉去感物增戀嫪彼微一中以下

何煩左右用此例筆魯侯國至下廟鼎猶納卽幸當擇

法玉寧有棄珪瓊悠悠我之思擾擾風中霧上言

無路日夜惟心禱鶴翎不天生變化在啄菴通與伏期日

渡非難隔尺地易可潛善善不汲汲後時徒悔懊

我死具八珍不如一簞藜微詩公勿謂愷歸神所

勞此薦孟東野於鄭餘慶也盛稱東野之詩謂可

於吐衄此承李杜東野不足以當而公愛才之心幾比

孔子世家剛詩正樂文選李陵與蘇武詩注

五言詩自陵始建安漢獻年號魏文典論

今之文人魯國孔融文舉廣陵陳琳孔璋山陽

王粲仲宣北海徐幹偉長陳畱阮瑀元瑜皮南

應瑒德璉東平劉楨公幹斯七子者于燕無所

遺于辭無所假孫云鮑謝鮑昭謝眺也或曰

謝靈運新書劉盜攻擊者相繼而起唐書

唐興文章承徐庾餘風天下祖尚子昂始變雅

正又杜甫與李白齊名詩號李杜漢書叙

傳究先聖之壺奧文賦或安帖而易施唐

地理志昇州有溧陽縣王云貞元十一年東野

為溧陽尉北史焉耆國傳自古帝王雖云即

序西戎有如指注不能控引也說文傲倨也

本外人或从心王云郊嘗為歸登張建封所

知漢韓安國傳強弩之末力不能入魯縞

晉孟嘉傳為桓温參軍九月九日晏龍山寮佐

卷之四

三

畢集有風至吹嘉帽墮落嘉不之覺聲韻姻
嫪戀惜也詩參差荇菜左右芼之春秋桓
公二年取郡大鼎于宋戊申納于太廟禮書
玉而賤珉周禮天子執瑁四寸以朝諸侯
東京賦方銳左轟西都賦與海通波周禮
膳夫珍用入物黃石公記昔者良將用兵人
有饋一簞醪者使投之於河合將士迎
流而飲之詩愷悌君子神所勞矣

駑驥

駑駘誠齷齪市者何其稠力小可易制價微良易
酬渴飲一斗水饑食一束芻嘶鳴當大路志氣若
有餘騏驎生絕域自矜無匹儔牽驅入市門行者
不為留借問價幾何黃金比高耶借問行幾何咫尺
視九州饑食玉山禾渴飲醴泉流問誰能為御

曠世不可求惟昔穆天子乘之極遐遊王良執其

轡造父挾其軻因言天外事荒惚使人愁駑駘謂

騏驎餓死余爾羞有能必見用有德必見收孰云

時與命通塞皆自由騏驎不敢言低徊但垂頭人

皆劣騏驎其以駑駘優啣余獨興歎才命不同謀

寄詩同心子為我商聲謳唐本有贈歐陽詹字詹

知此詩為歐陽作也小才得志傲

晚高賢古今一轍豈獨歐陽詹耶

楚辭卻騏驎而不乘兮策駑駘而取路鮑明

遠放歌行小自離離說文稠多也詩生

芻一束鮑昭詩誠不及青鳥遠食玉山末

史記崑崙山上有醴泉白虎通醴泉者美泉也

如醴王褒頌王良執靶張晏曰王良郵無郵

也史記趙世家造父幸於周穆王穆王使造

卷之四

父御西巡狩見西王母乃賜造父以趙城
穎考叔挾輈以走 阮籍詩素質由商聲 左

調張籍

李杜文章在光焰萬丈長不知羣兒愚那用故謗
傷蚍蜉撼大樹可笑不自量伊我生其後舉頭遙
相望夜夢多見之晝思反微茫徒觀斧鑿痕不曠
治水航相當施手時巨刃磨天揚垠崖剝崩豁乾
坤擺雷頽惟此兩夫子家居率荒涼帝欲長吟哦
故遣起且僵翦翎送籠中使看白鳥翔吾生千萬
篇金蕊垂琳瑯仙官勅六丁雷電下取將流落人
間者太山一豪芒我願生兩翅捕逐出入荒精誠

天

平

燕

忙

忽交通百怪入我腸刺手拔鯨牙舉瓢酌天漿騰
身跨汗漫不著織女襄顧語地上友經營無太忙

乞君飛霞珮與我高頡頏言生平願學者惟大李杜故夢寐見之更莫坐

羽翼以追逐之見籍有志於古亦當以此為正宗

無用岐趨也元微之尊杜而抑李昌黎則李杜並

微之魏道輔之言未可接引

爾雅蚍蜉大螻郭注俗呼馬蚍蜉吳都賦若天

蠟雷根注崩施之聲江賦微如地裂鶻賦閉

以離籠翦其翅羽古今篆隸體有金錯書街

章書書臥夢一鳥文彩異常飛人口中自此藻

思日新大守謝尚曰羅君章可謂湘中之琳琅

道書陽官六甲陰官六丁謂六甲中丁神也

人死生禍福作易總十五卷一日雷雨雲霧中

卷之四

十五

一老人語遠知日所泄者書何在上帝命吾攝
六丁雷電追取上方秘文自有飛天保衛金科
秘藏玄都汝何者輒藏細帙遠知日青瓦元老
傳授也班固荅賓戲鏡思于豪芒之內射
雉賦鯨牙低鏃心平望審水經注漢水又東
南流天漿水澗水注之淮南子虛敖游乎北
海至于蒙穀之上見一士焉敖仰視之士笑曰
吾於汗漫期於九垓之上吾不可以入若舉臂
而鍊身遂入雲中詩跋彼織女終日七襄
雲笈七籤飛霞者玉虛天中之山名江總賦佩
流霞之羽服詩
韻之韻之

柳宗元字子厚河東人貞元初中博學宏詞
科官監察御史裏行順宗即位王叔
文韋執誼引入討事擢禮部員外郎叔文敗
貶永州司馬放浪山水間以詩文自娛元和
中授柳州刺史時劉禹錫得播州宗元謂播
州非人所居而夢得親在堂無母子俱往理
如不往便為禹錫奏改刺連州宗元在柳州有
會大臣為禹錫奏改刺連州宗元在柳州有

善政年四十七卒於官柳人以神事之
州詩長於哀怨得謠之餘意東成謂在韋蘇
州上而王阮亭謂不及蘇州
各自成家兩存其說可也

初秋夜坐贈吳武陵

稍稍雨侵竹翻翻鵲驚叢美人隔湘浦一夕生秋
風積霧杳難極滄波浩無窮相思豈云遠卽席莫
與同若人抱奇音朱絃絕枯桐清商激西顛泛灩
凌長空自得木無作天成諒非功希聲闕大樸聾

俗何由聽下半借琴以喻文才董庭蘭一輩人未能知也
兩雅稍稍擢也謝眺詩稍稍枝早勁水經注
湘水又北左會瓦官水口湘浦也湘水左合誓曰
山東山北有白露水口湘浦也湘水左合誓曰
又北得石廊口並湘浦也右合麻溪水口湘浦
卷之四

也湘浦水北有三石戍謝靈運緩歌行娥皇發
湘浦香明出河州楚詞維瑟兮交鼓注維急
張紘也古詩清商隨風發漢禮樂志西
沆陽秋氣肅殺注西方少昊也老子大音希
聲

晨詣趙師院讀禪經

汲井漱寒齒清心拂塵服閒持貝葉書步出東齋
讀真源了無取妄跡世所逐遺言冀可冥總性何
由熟道人庭宇靜苔色連深竹日出霧露餘青松
如膏沐澹然離言說悟悅心自足

本集注西域有貝多樹國人以貝葉寫經故曰
貝葉書荀子不聞先王之遺言不知學問之
大也莊子
繕性於俗

贈江華長老

法苑珠林能捨罪福果精進行
梵行已離一切法是名爲長老

老僧道機熟默語心皆寂去歲別春陵沿流此投
跡室空無侍者巾履唯挂壁一飯不願餘跣趺便
終夕風牕疎竹響露井寒松滴偶地即安居滿庭
芳草積

南磻中題

即柳記中石磻

秋氣集南磻獨遊亭午時迴風一蕭瑟林影久參
差始至若有得稍深遂忘疲羈禽響幽谷寒藻舞
淪漪去國魂已遠懷人淚空垂孤生易爲感失路

少所宜。索真竟何事。徘徊祇自知。誰為後來者。當與此心期。語語是獨遊。東坡謂柳儀曹南澗詩。憂中有樂妙絕古今得其旨矣。

與崔策登西山

梅

鶴鳴楚山靜。露白秋江曉。連袂渡危橋。縈迴出林杪。西岑極遠目。毫末皆可了。重疊九疑高。微茫洞庭小。迴窮兩儀際。高出萬象表。馳景泛頽波。遙風遞寒篠。謫居安所習。稍厭從紛擾。生同胥靡遺。壽等彭鏗天。蹇連困顛路。愚蒙怯幽眇。非令親愛疎。誰使心神悄。偶茲遁山水。得以觀魚鳥。吾子幸淹留。緩我愁腸繞。莊子胥靡登而不遺言被罪之輕生身也。次語即齊物論意。

莊子知章末之為正山也。湘中記九疑山在營道縣九山相似。行者疑或故名九疑。洞庭湖名。易易有太極。是生兩儀。莊子胥靡登高而不懼。遺死生也。注胥靡城旦春之人。神仙傳彭祖姓錢名鏗。年七百六十七歲而不衰。齊物論天下莫大於秋毫之末。而太山為小。莫壽乎殤子。而彭祖為天。蔡邕述行賦塗連還其蹇連兮。潦汗滯而為災。又上漢書十志疏。輒先顛路。

旦攜謝山人至愚池

新沐換輕幘。曉池風露清。自諧臺外意。况與幽人行。霞散衆山迴。天高數雁鳴。機心付當路。聊適義皇情。

說文髮有巾曰幘。玉篇覆髮也。晉陶潛傳五六月中北窗下臥涼風暫至自謂是羲皇上人。卷之四 十八

獨覺

覺來臆牖空寥落雨聲曉良遊怨遲暮末事被馬紛
擾為問經世心古人誰盡了

溪居

久為簪組束幸此南畝諒閒依農圃鄰偶似山林
客曉耕翻露草夜榜響溪石來往不逢人長歌楚
天碧思溪諸詠處連蹇利厄之境發清奇澹泊之
音不怨而怨怨而不怨行間言外時或遇之
夏初雨後尋思溪

悠悠雨初霽獨繞清溪曲引杖試荒泉解帶圍新
竹沉吟亦何事寂寞固所欲幸此息營營歸歌靜

炎燠

首春逢耕者

南楚春候早餘寒已滋榮土膏釋原野百蠶競所
營綴景未及郊耜人先耦耕園林幽鳥嘯渚澤新
泉清農事誠素務羈囚阻平生故池想蕪沒遺畝
當榛荆慕隱既有繫圖功遂無成聊從田父言款
曲陳此情咨然撫耒耜回首煙雲橫因逢耕者而
念及困園之
蕪羈人心事
不勝黯然

秋曉行南郭經荒村

杪秋霜露重晨起行幽谷黃葉覆溪橋荒村唯古

木寒花久寂，歷幽泉微斷。續機心久已忘，何事驚麋鹿。

雨後曉行獨至愚溪北池

宿雲散洲渚，曉日明村塢。高樹臨清池，風驚夜來雨。予心適無事，偶此成賓主。

說文塢，小障也。庾信杏花詩：依稀映村塢。爛熳開山城。

中夜起望西園值月上

覺來繁露墜，開戶臨西園。寒月上東嶺，泠泠疎竹根。石泉遠遜響，山鳥時一喧。倚檻遂至日，寂寞將何言。

蔡文姬詩：北風厲兮肅命。冷。劉楨詩：緝緬孤竹根。

湘岸移木芙蓉植龍興精舍

木草木芙蓉一名拒霜。豔如荷花。八九月始開。

有美不自蔽，安能守孤根。盈盈湘西岸，秋至風露繁。麗影別寒水，穠芳委前軒。芰荷諒難雜，反此生高原。

禪堂

發地結菁莪，團團抱虛白。山花落幽戶，中有忘機客。涉有本非取，照空不待析。萬籟俱緣生，窅然喧中寂。心境本同如，飛鳥無遺跡。

沈約詩發地多奇
崑干雲井一狀

苦竹橋

危橋屬幽徑，繚繞穿疎林。
進篳分苦節，輕筠抱虛心。
俯瞰涓涓流，仰聆蕭蕭吟。
差池下煙日，嘲啞鳴山禽。
諒無要津用，棲息有餘陰。

類篇：箝竹皮，箝如竹箭之有筠也。注：筠竹青皮。梁武詩：飛鳥起離離，驚散忽差池。

田家三首

晨食狗所務，驅牛向東阡。
雞鳴村巷白，夜色歸墓田。
札札耒耜聲，飛飛來鳥鳶。
竭茲筋力事，持用窮歲年。
盡輸助徭役，聊就空自眠。
子孫日已長，世世

還復然

籬落隔煙火，農談四鄰夕。
庭際秋蟲鳴，疎麻方寂歷。
蠶絲盡輸稅，機杼空倚壁。
里胥夜經過，雜黍事筵席。
各言官長峻，文字多督責。
東鄰後租期，車轂陷泥澤。
公門少推恕，鞭扑恣狼籍。
努力慎經營，肌膚真可惜。
迎新在此歲，唯恐踵前跡。

古道饒蒺藜，縈迴古城曲。
蓼花被堤岸，陂水寒更淥。
是時收穫竟，落日多樵牧。
風高榆柳疎，霜重梨棗熟。
行人迷去住，林鳥競棲宿。
田翁笑相念，昏黑慎原陸。
今年幸小豐，無厭餽與粥。

掩役夫張進骸

生死悠悠爾。一氣聚散之。偶來紛喜怒。奄忽已復
辭。為役孰賤辱。為貴非神奇。一朝續息定。枯朽無
妍媸。生時勤皂櫪。到秣不告疲。既死給椁槨。葬之
東山基。奈何值崩湍。蕩析臨路垂。饒然暴百骸。散
亂不復支。從者幸告予。睠之潛然悲。猫虎獲迦祭
犬馬有蒸帷。佇立唁爾魂。豈復識此為。春鋪載埋
瘞。清瀆護其危。我心得所安。不謂爾有知。掩骼著
春令。茲焉適其時。及物非吾輩。聊且顧爾私。一
朝續息
定二語見貴賤賢愚古今同盡此達人之言也我
亦得所安二語見求安無隱非以示恩此仁人之

也

儀禮既夕屬續世說顧長樂書人或數年不
點目睛或問之顧曰四肢妍媸本無關於妙處
傳神寫照正在阿堵中方言梁宋齊楚北燕
之問謂櫪曰皂廣韻櫪馬也詩劉之秣之
漢成紀給椁槨埋葬莊子至樂篇莊子之楚
見空闕腰饒然有形集韻饒音孝釋文曰骨貌
禮迎貓為其食田鼠也迎虎為其食田豕也
又做惟不棄為埋馬也做蓋不棄為埋狗也
文中子鄉人有水土之役則具
春鋪以往月令孟春掩骼埋胔

韋道安

道安本儒士。頗擅弓劍名。二十遊太行。暮聞號哭
聲。疾驅前致問。有叟垂華纓。言我故刺史。失職還
西京。偶為羣盜得。毫縷無餘贏。貨財足非恪。二女

皆娉婷蒼黃見驅逐誰識死與生便當此殞命休
復事晨征一聞激高義肯裂肝膽橫挂弓問所往
趨捷超崢嶸見盜寒澗陰羅別方忿爭一矢斃酋
帥餘黨號且驚麾令遞束縛纏索相挂撐彼姝久
褫魄兩下候誅刑卻立不親授諭以從父行招收
自擔肩轉道趨前程夜發敲石火山林如畫明父
子更抱持涕血紛交零頓首願歸貨納女稱舅甥
道安奮衣去義重利因輕師婚古所病合姓非用
兵竭來事儒術十載所能逞慷慨張徐州朱邸揚
前旌投驅獲所願前馬出王城轅門立奇士淮水

秋風生君侯既即世麾下相欹頌立孤抗王命鐘

鼓四野鳴橫潰非所壅逆節非所嬰舉頭自引刃

顧義誰顧形烈士不忘死所死在忠貞咄嗟狗權

子翕習猶趨榮我歌非悼死所嗟時世情斃羣盜為勇士

辭師婚為義士後顧義引刃又為忠貞

之上矣非柳州表揚之道安幾於湮沒

與圖備攻太行山在山西平陽府絳縣

羽翕賦彼安眾之云妙差割篋干毫縷

商甚恪於財說文崢嶸山峻貌博雅家語

索也爾雅妻之父為外舅而受室以歸是日甥

昏也左今以君命奔齊之急而受室以歸是日甥

貞元四年拜御史大夫徐泗濂節度使子愔始

以蔭補虢州參軍事建封卒府佐鄭通誠者攝

留事畏其軍亂因浙西戍兵過徐謀引以為援

舉軍怒殺通誠乃表于朝請惜為留後假旄節
帝不許詔杜佑討徐亂漢地理志河南故郊
鄆地是為王城

孟郊字東野武康人年五十始成進士為
郊溧陽尉韓昌黎極重之薦於鄭餘慶
奏為參謀未幾卒東坡目為郊寒鳥瘦鳥
瘦固然郊之寒過求高深鄰於刻削其實從
真性情流出未可與鳥並論也東野詩亦
從風騷中出特其意象孤峻元氣不無斷削
耳而元遺山云東野窮愁死不休
高天厚地一詩因母乃太過乎

列女操

梧桐相待老鴛鴦會雙死貞婦貴狗夫捨生亦如
此波瀾誓不起妾心古井水

寫貞心下語斷絕沈約孤桐詩龍門百尺時非美少孤立分根蔭王池欲待高鸞集又吳均詩不降周王子空待

歲時移嚴風忽交致遂使無人知古今注鴛鴦雌雄不相離人獲其一則一相思而死故謂之匹鳥

遊子吟

慈母手中線遊了身上衣臨行密密縫意恐遲遲

歸誰言寸草心報得三春暉

真風雅妙處不落思議即欲報之德昊天罔極意與昌黎之臣罪

靜女吟

靜女皆如色靜女獨檢蹤任禮恥任粧嫁德不嫁
容君子易求聘小人難自從此志與誰諒琴絃幽

韻重

卷之四

十四

長安羈旅行

十日一理髮每梳飛旅塵三旬九過飲每食唯舊
貧萬物皆及時一人不覺春失名誰肯訪得意爭
相親直木有恬翼靜流無躁鱗始知喧競場莫處
君子身野策藤竹輕山蔬薇蕨新潛歌歸去來事
外風景真直木一聯傳
說苑子思居衛三旬而九食晉陶潛傳為彭澤令邵遣督郵至吏曰幸來帶見之潛歎曰吾不能為五斗米折腰事鄉里小兒乃解即綬賦歸去來辭

古怨別

颯颯秋風生愁人怨離別含情雨相向欲語氣先

咽心曲千萬端悲來卻難說別後唯所思天涯其

明月

聞砧

杜鵑聲不哀斷猿啼不切月下誰家砧一聲腸一

絕杵聲不為客客聞髮白白杵聲不為衣欲令遊

子歸竟古

荆楚歲時記杜鵑初鳴先聞者主別離學其聲令人吐血又異苑此鳥啼至血出乃止搜神記有人得猿子將歸猿母隨至搏擊哀求竟殺之猿母悲喚自擲而死破腸視之寸寸斷裂

遊終南

南山塞天地日月石上生高峯夜留景深谷晝未

卷之四

明山中入自正路險心亦平長風驅松柏聲拂萬壑清即此悔讀書朝朝近浮名盤空出險語出峽詩有上天下天水出地入地舟句同一奇險

趙記室俶在職無事

後漢百官志記室令史主上章表報書記

卑靜身後老高動物先摧方園水任器剛勁木成灰大道母羣物子書中名無達人腹衆才時吟堯舜篇心向無為開彼隱山萬曲我隱酒一杯公庭何所有日自清風來

劉勰新論人之從君如草之從風水之任器老子無名天地之始有名萬物之母

上河陽李大夫

上將秉神畧至兵無猛威三軍當嚴冬一撫勝重衣霜劍奪衆景夜星失長輝蒼鷹獨立時惡鳥不敢飛武牢鎖天關河橋紐地機大軍奚以安守此稱者稀貧士少顏色貴門多輕肥人知大夫之功也下接呈詩意試登山岳高方見草木微山岳恩既廣草木心皆歸

輿圖備攻古嶠關在河南汜水西本周虎牢漢為成臯唐改武牢關曰富平津跨河有浮橋杜預所建

送豆盧策歸別墅

短松鶴不巢高石雲始棲君今瀟湘去意與雲鶴

齊力買奇險地手開清淺溪身披薜荔衣山陟莓
苔梯一卷冰雪文避俗常自攜

送蕭鍊師入四明山

唐六典道士德
思精者稱鍊師

聞於獨鶴心大於高松年迥出萬物表高樓四明
巔千尋直裂峯百尺倒瀉泉絳雪為我飯白雲為
我田靜言不語俗靈蹤時步天工於發端與
前一首同

漢武帝傳仙家上
藥有元霜絳雪

送李觀韓愈別兼獻張徐州即張建封

唐書李觀字元賓貞元中
舉進士授太子校書郎

層

富別愁在顏貧別愁銷骨懶磨舊銅鏡畏見新白
髮古樹春無花子規啼有血離絃不堪聽一聽三
四絕世途非一險俗慮各千結有客步大方驅車
獨迷轍故人韓與李逸翰雙皎潔哀哉摧折歸贈
詞縱橫設徐方國號在元戎天下傑禰生投刺遊
王粲吟詩謁高情無遺照朗抱開曉月有土不埋
冤有雙言皆為雪願為直草木未向君地列願為古
琴瑟未向君地發欲識大天心會將孤劍說元和
以詩詩家專向近體於古風漸薄五言古尤入淺
幸浩及宋元勢遵正軌復古轉在明代也茲於柳
子厚孟東野後所采寥寥惟恐
岐途紛出學詩者靡所適從耳

卷之四

淮南子能載大員者履大方後漢補衡傳寔
安初遊洛下始達穎川陰懷一刺既而無所之
至刺字漫滅釋名書

姓名於奏白日刺

賈 烏字閔仙范陽人初為浮屠名無本來
不第文宗世東都韓昌黎奇其詩令反初服果舉
為長江主簿

寄遠

別腸長鬱紆豈能肥肌膚始知相結密不及相結
疎疎別恨應少密別恨難祛門前南去水中有北
飛魚魚飛向北海可以寄遠書不惜寄遠書故人
今在無華山岩巒形遙望齊平蕪况此數尺身阻
彼萬里途自非日月光難以知子軀

◎李 益字君虞如城人咸進十官不達劉濟

宗召還官集賢殿學士負才凌眾諫官暴其
在濟時詩取官散秩後仍屢遷以禮部尚書
終 若度邊塞詩最 在征人歌
早行等篇好事者書 為屏障

觀回軍

行行上隴頭隴月暗悠悠萬里將軍沒回旂隴戍
秋誰令嗚咽水重入故營流

入南山至全師蘭若

法禪語
木隕水歸壑寂然無念心南行有真子被褐息山
陰石路瑤草散松門寒景深吾師亦何授自起定

中吟

卷之四

徐陵傳大士碑法
王真子是號彌勒

長干行 亦作太
白詩

憶妾深閨裏，煙塵不會識。嫁與長干人，沙頭候風色。五月南風興，思君下巴陵。八月西風起，想君發揚子。去來悲如何，見少離別多。湘潭幾日到，妾夢越風波。昨夜狂風度，吹折江頭樹。渺渺暗無邊，行人在何處。好乘浮雲驄，佳期蘭渚東。鴛鴦綠浦上，翡翠錦屏中。自憐十五餘，顏色桃花紅。那作商人婦，愁水又愁風。
設色綴詞
宛然太白
唐地理志：岳川、隋巴陵郡。圖經：揚子江在真州。揚子縣左與鎮江分界。唐地理志：溧州長

沙都縣 湘浦 漢武天馬歌：爾浮雲兮

權德輿 字載之，零陽人。第進士。德宗朝，歷官禮部侍郎。三典貢舉。元和中以尚書

同平章事卒諡文

月夜江行

扣舷不能寐，浩露清衣襟。彌傷孤舟夜，遠結萬里心。幽興惜瑤草，素懷寄鳴琴。三奏月初上，寂寥寒

江深

江賦：忽忘夕而宵臨，咏采菱以扣舷。東方朔與友人書：相期拾瑤草，吞日月其輕舉耳。

嚴子陵釣臺下作

寰宇記：嚴子陵釣臺在桐廬縣南大江側。子陵事見卷二李詩卷三張謂詩

絕頂聳蒼翠清湍石磷磷先生晦其中天子不得
臣心靈棲顛元纓冕猶緇塵不樂禁中臥卻歸江
上春潛驅東漢風日使薄者醇焉用佐天子持此
報故人則知大賢心不獨私其身弛張有深致耕
釣陶天真我行訪遺臺仰古懷逸民增繳鴻鵠遠
雪霜松桂新江流去不窮山色凌秋晏人世自今
古清暉照無垠東漢節義嚴陵潛驅之不止高其
隱逸而已議論正大獨著此篇
與沈十九拾遺同遊棲霞寺上方夜於亮

上人院會宿

攝山標絕勝暇日諧相矚紫紆松路深繚繞雲巖

曲重樓回樹杪古像鑿山腹人遠水木清地深蘭
桂馥層臺聳金碧絕頂摩淨綠下界誠可悲南朝
紛在目焚香入古殿待月出深竹稍覺天籟清自
傷人世促宗雷此相遇偃放隨所欲清論月輪低
閒吟茗花熟一生如土梗萬慮相桎梏永願事潛

師窮年此棲宿

詩品高潔在
語言外領取

廣輿記江寧府東北有攝山產
攝生草上有干佛嶺棲霞寺

張籍字文昌和州人貞元中第進士為大
常太祝昌黎薦之官水部員外以國
子司業終文昌長於新樂府雖古意
漸失而婉麗可誦五古亦不人卑靡

西州詩

羌胡據西州。近甸無邊城。山東收稅租。養我防塞兵。胡騎來無時。居人常震驚。嗟我五陵間。農者罷耘耕。邊頭多殺傷。士卒難全形。郡縣發丁役。丈夫各征行。良馬不念秣。烈士不苟營。所願除國難。再逢天下平。

西州屬隴右道天寶末陷於吐蕃此願中朝恢復於烈士有厚望焉

惜花

濛濛庭樹花。墜地無顏色。日暮東風起。飄揚玉階側。殘葉在猶稀。青條聳復直。為君結芳實。令君勿歎息。

翻出一意淺人不能道

離怨

切切重切切。秋風桂枝折。人當少年嫁。我當少年別。念君非征行。年年長遠途。妾身甘獨歿。高堂有舅姑。山川豈遙遠。行人自不返。

責以高堂有舅姑怨之正也與返作

閨房之言有別

溫庭筠

本名岐字飛卿并州人工側詞艷曲累舉不第大中未以上書授方山尉仍失意歸與令狐綯不協薄為有才無行徐商知政事用為國子助教商罷尋廢相傳庭筠入試時押官韻八義手而賦成名溫八義與李商隱齊名不虛也

俠客行

樂府俠遊二十五曲中有俠客行

欲出鴻都門。陰雲蔽城闕。寶劍黯如水。微紅溼餘

愁楚色忽滿目，灘聲落西樓。雲翻天邊葉，月弄波上鉤。芳意長搖落，蘅蘭謝江洲。長吟碧雲合，悵望江之幽。

送進士苗縱歸紫邏山居

九域志汝洲梁縣有紫邏山

汝上多奇山，高懷愜清境。強來干名地，冠帶不能整。嘗言夢歸處，泉石寒更靜。鶴聲夜無人，空月隨松影。今朝別我去，春物傷明景。悵望相送還，微陽

在東嶺。近王右丞

劉

駕

字司南江東人，大中六年進士官國子博士，以古詩鳴於時。

棟

早行

馬上續殘夢，馬嘶時復驚。心孤多所虞，僮僕近我行。棲禽未分散，落月照孤城。莫羨居者閒，谿邊人已耕。

棄婦

圓車在門前，欲上心更悲。路旁見花發，似妾初嫁時。養蠶已成繭，織素猶在機。新人應笑此，何如畫蛾眉。

見婦之不當棄也，怨而不怒，高於顧况之作。晉作蠶絲曲，續蠶初成，繭和思條，女密古樂府，新人工織，織故人工織，素織，練日盈匹，織素五丈，餘持練將比，素新人不如故。

卷之四

陸龜蒙 字魯望蘇州人舉進士不第退居松江甫里稱天隨子亦稱江樸散人以高士召不至李蔚盧攜素當國召拜左拾遺詔下已卒光化中贈右補闕龜蒙與皮日休倡和另開僻澁一體不能多采

美人

美人抱瑤瑟哀怨彈別鶴雌雄南北飛一旦異棲託諒非金石性安得宛如昨生為並蒂花亦有先後落秋林對斜日光景自相薄猶欲悟苦心朝朝

佩蘭若 結語溫厚

樂府詩集古琴曲古二操九曰別鶴爾雅翼舜並蒂花也

聶夷中字坦之河東人咸通中進士官華陰尉

田家

父耕原上田子廬山下荒六月禾未秀官家已修倉二月賣新絲五月糶新穀醫得眼前瘡剜卻心頭肉我願君王心化作光明燭不照綺羅筵只照逃亡屋 唐詩尚有采詩之役故詩家每陳下民苦情如柳州捕蛇者說亦其一也此詩言節

意是可匹柳又

